




11048





3

VATICINIA
0294 h. 10.
Ex natura & moribus de-
prompta, de Anno Domi-
ni M. DC. XIII. & M. DC. IV.
alijsque sequentibus.



In Zoilum.

*Zoile, quid mundum tentas invertere? cur sic
Commisces albis nigra, bonisq; mala?
Seria que fuerant, appellas rustica: rursum
Turpem, si qua fuit Musa iocosa, vocas.
Si bene tu facis hoc, facies quoq; non male: sed ex
Fma tuus linguens occupet ore locum.*



CRACOVIAE,
Chalcographo Nicolao Lobio, Anno
Domini 1612.

In Arma antiquissimæ domûs Komo-
rouiorum.



Respicias, ut ternis properent hac flumina secta
Ordinibus, prisca nobile stemma domus.
Seu vis Danubio fluxisse hos, qui secat aurëam
Ungariam, primum hinc stemmatis omen habe.
Hac gens magnanimis Casimiro hic profuit ausis,
Atq; opibus magnum fecerat auxilium.
Dixeris aut Hermum, qui auratam voluit arenam,
Pulchrum an Pactolum, credis an esse Tagum.
Seu mage Castalio rorantes flumine ab undas,
Vel fors Pegasei quem ungula fecit equi?
Quicquid id est stemma hoc, de te prædixit Apollo,
O NICOLAE, tua firma columna domus.
Militia robur iungens pietate cum auita,
Quod rarum est, pectus Musa tuum excoluit.
Hac tria dum semper Mauortis in agmine iungis,
Turca tui robur pectoris extimuit.
Et qui respiciens tergum, post se arma ministrat
Vidit te, & sensit barbarus ipse Getes.
Ergo terrores deponere ex pectore vanos
Patria, dum tantis cingere fluminibus.

Illustri ac Magnifico Domino,
D. NICOLAO è KOMOROW
KOMOROWSKI COMITI IN LIPTOW, ET
Orawa, Capitaneo Oswiecineñ: &c. &c.
Domino & patrono suo colendissimo

S. P. D.

TEmpori inservire sapientis est, *Illustris ac Magnifico Domine.* Sic namque ritè decenterq; res aggredi docemur, easq; sine prefixo metientes, ad certum colophona deducere. Et vero cum truditur dies die, novèq; pergunt interire lune (ut inquit Poëta) fit ut posteriora consilia prioribus sint meliora. Sic saucius evitat miles arenam, Quidem immemor antiqui vulneris, arma rapit monente occasione, ut hoc pacto, vel fame sue, vel Reipublice commodis prospiciat. Proinde Q ego licet ediderim nuper dogmata quedam de moribus, quibus titulum prefixi **VATICINIORVM**, sub auspicio *Illustris Mag: J.* non inculta quidem, nec diligentia contemnenda elaborata: multa enim iucunda, multa ad mores instruendos, Q informandos inde quisq; promere poterat: tamen innouanda putavi rursus eadem, partim ex eo, quod inconfectum nisi opus hoc prodijisse videbatur: morem enim amicis gerens, illud in lucem non omnino libenter edideram: partim etiam ex eo, quod multam ei lucis accedere putarem, si quibusdam in eo minus congruis, concin-

nus limatis, auctius, & Rationibus Philosophicis proba-
tius prodiret. Distrabebam quidem animo, dum cogitarem,
cui potissimum illud consecrarem, sed constantia mea, &
debita veneratio domus antiquissimæ KOMOROVIANÆ
Illust. & M. D. T. suasisit iterum dicandum: cum etiam,
quod in rem meam maxime seruit, neminem viderem adeo
excelsi, & Heroici animi virum, qui alacrius, promptius,
expeditius à laudorum hominum morsibus, & Thrasorum
fatuorum detractioibus, famam omnium bonorum lace-
rantibus, tueri, & veritatem in aperto responere, ac de-
fendere sciret, & vellet, præter Illustrem ac M. D. T.
Quamobrem nemo mihi vitio vertet, ut spero (de tua e-
nim M. D. certo mihi polliceor) quod eidem, cui &
antea, nunc per exiguum opus hoc dem, & dicem, Quem-
admodum enim ab Oceano profluunt omnia flumina, &
in eundem relabuntur, ita quoq; à quo gratiam acceperim-
us, in eundem omnem officiorum promptitudinem confer-
re debemus, & derivare. Accipe itaq; lubens leuidentse
munus, iterumq; T. Illustri ac M. D. penates pulsantem
libellum hunc candido, & virili animo complectere,
in meq; seruum, & virtutum tuarum cultorem, solitum
amorem, & benignitatem tuam continua, vel potius per-
renna. Vale quàm diutissimè felix, beatusq; vive in Ec-
clesiæ defensionem, patriæ propugnationem, & omnium
proborum, ac doctorum ornamentum. Vale, inquam,
& vive beatus, seruique tui memor. Cracoviæ Anno
M. DC. XII. 7. die April.

Illustri ac M. D. tua

Addictissimus.

Sebastianus Sleskowski.

In Detractorem,

Omnia derides quicquid comparuit unquam,
Seu res illa grauis, siue iocosa fuit.
Scribentes rides passim, ridesq; legentes,
Seu sedeat rides, seu quog; stare velit.
Omnia cum rides, submissa voce monebo
Te, tu sed tantum solus id excipias.
Mingentes ridere caue, puerosq; cacantes,
In caput effundent stercora namq; tuum.

IOANNIS SILNICKI.

Aliud.

Inuidiam dicunt si cuius pectore in imo
Sederit, in tacitis ossa cremare focis.
Si cremat ossa, tuos & dentes illa cremabit,
Nullum etenim faciunt hæc duo dissimile.
Sed nec habes dentes, vix tres, quatuorue supersunt,
Hos ad eque crepitum deperisse ferunt.

STANISLAI SILNICKI.

Aliud.

O bone censor aue, quid nobis dicere tale
Vis? quæro errorem, dicis, & inuenio.
Non hæc errores venduntur, perge Clepardiam,
Errorem, & casum fors ibi reperies.

SAMVELIS SILNICKI.

Aliud.

O detractores inter celeberrime, longum,
Dicere mihi tecum mens, modo sit satis id.

R 3

Effodiant

*Effodiant utinam hec ambo tibi lumina corui,
Hoc facto letus, Laus tibi Christe, canam.*

GABRIELIS SILNICKI.

Aliud.

*Omnia cum rodas, dubito fuerisne Melampus,
Tu tamen arbitrio Pamphagus esto meo.
Omnia sed rodens lapidem vitare memento,
Dentibus allisum rodere non poteris.*

PETRI SILNICKI.

Aliud.

*Ostentare soles dentes, ridendo libellos,
Edidit in lucem quos aliena manus.
Et ridens mittis crassum spiramen ab ore?
Sic podex vetule putride hiare solet.*

STANISLAI SIEMIANOWSKI.

Aliud.

*Ecquid (ais) nugas scribendo, perdo laborem,
An tu Nugator fors grauiora voles?*

IOANNIS GNIEWOZ.

Ad Lectorem de ratione ordinis.

*C*Um, teste Philosopho, ordo sit anima rerum, idcirco in tres partes
diduxisse placuit libellum. Prima pradicat, qua ventura sunt.
Secunda monet qua faciendas, vel vitanda. Tertia exempla non vula
garia affert.

Index

Index Titulorū in hoc libello contentorum.

PRIMÆ PARTIS,

Ratio & fundamentum Vaticiniorum.

Commendatio operis.

De Turcis Vaticinium.

De Scythis.

De Iudæis.

De Christianis.

De Cracouia.

De mulieribus.

Vaticinium ex Sphymica arte desumptum, quo arcana suspectarum mulierum deteguntur.

De Nouercis.

De veris Politicis.

De veris Philosophis.

De Pseudopoëtis.

De Iudicibus & Causidicis.

De Mercatoribus.

De crepitu ventris.

Vaticinia duo ex Physiognomia.

Vaticinia deprompta ex somnijs.

Ridicula, sed iucunda quædam Vaticinia.

De statu vitæ.

De Rusticis.

SECUNDÆ PARTIS,

Ut quis nunquam canescat.

Volentibus diu, & salubriter viuere.

Coniuiis.

Cælibibus remedium.

Vxorem ducturis.

Melancholicis.

Aliud salubrius.

Diabolis.

Piscatoribus, qui non habent retia, quales sunt pauperes Bicy, alias

Rybaldi, & in villis D. D. Magistri.

TERTIÆ PARTIS,

Nonnullæ historiæ notabiles.

Ratio &

RATIO ET FVNDAMEN- tum Vaticiniorum.

Nondum in lucem edideram ista Vaticinia, & iam audiui quosdam mirari, qualiane sint, & vnde habeant suam veritatem, cum non sint è calo. Ego vicissim statim mirari capi cur tot & tanti viri ignorent, ista Vaticinia neq. esse rem nouam, neq. temerè susceptam. Cum non tantum illud, Vaticinium dicatur, quod desumitur ex astris, sed illud omne, quodcunq. futurum aliquid, postea certa, vel saltim probabili causa (vt fit in natura qua tantum inclinatur) prædicat. Sed ne quis diutius (vt aiunt) auribus lupum teneat, antequam rem ipsam aggrediar, pono diuisionem Vaticiniorum, ex qua facile cognoscere poterit genus & fundamentum Vaticiniorum meorum. Vaticinia itaq. qua ab hominibus fiunt ratione efficiētis, seu principij, à quo proueniunt, diuidi possunt. Aut enim proueniunt à principio

INTERNO, à ratione, scilicet, & intellectu hominis, qui homini nomen dat, & esse. Hic intellectus, vel est

THEORICVS respectu habito materia, ex qua Vaticinatur, vel versatur circa materialia siue materia immersa corpora inferiora, & ex illorum figuris, formis, effectibus, passionibus vaticinatur. Et talia Vaticinia vocantur Naturalia; qualia multa passim apud quosus bonos autores reperire licet; qualia ex vna parte sunt & hac nostra.

Immaterialia, siue à materia corruptibili separata, corpora, scilicet, caelestia, ex quorum motu & influxu vaticinatur Astrologus. Et haec Vaticinia sunt Astrologica, de quibus ego nihil in praesenti, vel

PRACTICVS, & Vaticinatur ex actionibus & obseruationibus quotidiana vita de Rebus, vel priuatorum hominum euentis. Et vocantur Vaticinia ex moribus; qualia sunt etiam ex altera parte hac nostra.

EXTERNO, à communionem, videlicet, luminis alicuius supra naturam hominis, quo illustrata mens, diuino non humano more Vaticinatur futura. Siue illud lumen ab intelligentiis bonis,

siue

*sue à malis communicetur. Talià sunt Vaticinia Metaphysica. Ex qua quidem diuisione iam liquet hac nostra vaticinia iure merito debere dici vaticinia, & ex quo genere sint Vaticiniorum, & ordine, nimirum primo, & tertio simul. Secundum verò relinquimus Astrologis, qui ex Astris, infallibiliter inclinantibus, predicunt. Quartum verò idq̃ vltimum Prophetis, Sybillis, & spiritu aliquo afflatis. Quàm verò frequens sit vsus horum omnium quatuor, lippis (vt dicitur) & tonsoribus notum est. Vt enim interim missa faciam ex astris vaticinia, quorum cum laude maxima suorum Professorum frequentissimus summo pereq̃, necessarius est vsus per totum Christianum orbē, & de illis quæ ex reuelatione siue Dei ipsius Ter. Op. Max. siue spirituum iam bonorum quàm malorum, nihil in presenti dicam, quid quaeso illa consultationes Principum ac Senatorum de felici statu futuro Rerumpub. nisi quia colligunt, & presagiunt, atq̃ vaticinantur ex causis, quas mentis oculis vident, si hoc non fecerimus, hoc atq̃ illud eueniet, & contra: hoc autem nil est aliud, quàm ex moribus vaticinari. Apparet ergo hoc genus vaticinii Ethicum, seu morale, vtilissimum esse Rebusp. si florentissima futura sunt. Iam verò quòd attinet Vaticinia naturalia, quò quis sapius vaticinatur Physicè, eò etiam sapientior habetur, quò quis plures causas rerum, easq̃ melius & exquisitiùs nouit, eò doctior censetur. Admiramur ac suspicimus Medicos Doctores, cum videmus ita euenisse, sicut illi ex causis, quas viderant in egrotis, vel mortem vel sanitatē vaticinati sunt. Admiramur cum tot vicibus videmus operari medicamentum, quos vicibus illi prædixerunt. Magnificimus deniq̃, etiam alios Philosophos, cum videmus consequi eos effectus, quos illi, nobis non sperantibus, ex causis vaticinati sunt. Sed quoniam in re tam manifesta superuacaneum esse arbitror pluribus laborare, iam ad
 Vaticinia ipsa, bonis auibus, accedamus.*



COMMENDATIO OPERIS.

*Queris, quid, libro, vates edisserat, isto,
Pellege, conquires, que, placitura, probes.
Iudicra seu optas, & seria multa videbis,
Ridicula urbanis, aulica mista iocis.
Presbyter es, lege, si laicus, iuuenisue, senexue,
Vatis terrigenam hoc quemque iuuabit opus.*

GREGORII CZARADZKI.

ALIA.

*Differit en liber hic cunctis de gentibus, imò
Qui casus venient non vementque refert.
Ergo hunc volue librum lector sapere ut videaris.
Artem si veterem queris? habeto nouam.
Nummos incusas? emitur sapientia magno.
Ergo sit in damno gratia grata tuo.*

IOANNIS SILNICKI.

ALIA.

*Si me fortè rogas quid continet iste libellus?
Informat mores, acta futura canit.
Haud adsibenda fides semper, que nuncia celo
Vates desumunt, quinque futura canunt.
Non semper credenda Ceres fallacibus aruis,
Nec semper viridi concava subspis aque.*

STANISLAI SILNICKI.





VATICINIA

Ex natura & moribus de-
prompta, de Anno Domini M. DC. XIII.
& M. DC. XIV. alijsque sequentibus.

DE TURCIS.



Primum quidem breui verborum symmetria de quatuor nationibus perstringam. Inter quos Turcæ populi ante omnes alias se offerunt. Primus igitur qui Regis Turcæ nomen tulit, tantique imperij fundator extitit, à tenui Galaciæ oppido in Scythia, quod Othomanzicum hodiè appellatur, Othomanus est dictus, quod nomen postea in familiam transijt. Cæpit autè Othomanicæ domus imperium Anno à partu Virginis M. CCC. quanquam quadringentis ante annis Turcas ex Scythia profectos, in Asia sedes occupasse, compertū est: qui tamen Regem aut Imperatorem ab initio non habuerunt, ut pote qui diuisi per Tetrarchas, & regulos, cum imbellibus Asiæ populis Constantinopolitanisq; Cælaribus suo arbitrio bella gerere consuessent: quanquā eos aliquando in vnum cōsentire coegerit communis metus à Gothifredo Bolionio vniuersæ Asiæ illatus. Colunt isti populi Maumethen, non quidem diuino, ut quidam rudiores existimant, cultu, sed eo, quo Iudæi Mosen. Hic Maumethes asserbat se à Christo verbis manifestis promissum fuisse, scriptumq; esse in Euangelio: Prædico vobis post me venturum esse Dei nuncium, nomine Maumethen, spiritum veritatis, qui docebit vos omnia. Cæterum ea machinatio & callida erat & ridicula. Quippe ante Maumethis aduentum causa nulla erat, quare potiùs Maumethis, quàm Pilati, vel Iudæ, vel Antichristi nomen Euangelio subtraheretur. Falsò igitur nomen suum posuit, vbi apud Ioannem Deis spiritus promittitur. Hic idem Maumethes (vt testatur Nic: Clenardus lib. 1. Epist.) sibi, tanquam Principi Prophetarum, vires decem Prophetarum

rum in coeundo diuinitus datas esse gloriabatur, impurissimus homo. Quin & in futuro saeculo pios vxoribus mundis & absq; menstruis abundaturos, non sobolis, sed voluptatis causa: & quo quiq; vir esset melior, eo plures habiturum concubinas, & plus virium a Deo consecuturum, vt ijs omnibus satisfacere queat. Egregia, & digna Principe porcorum prophetia. Praestat autem haec gens fera haereticis, qui ex nobis fiunt, vel ob haec ipsa duo. Primò: Quia Turcae de Sanctis Dei, sed praecipue B. V. Maria, pie, vt par est, sentiunt, & honorifice loquuntur: haeretici vero eam instinctu afflatuq; Diabolico, vt pote cuius caput (serpentis) contriuit, blasphemant. Sic n. scriptum legitur in Alcorano eorum: Dixit Angelus Gabriel ad Mariam: O Maria Deus te elegit, & docuit te gratiam, & ab initio praelegit te pra omnibus alijs mulieribus omnium saeculorum, & posuit te tanquam nouum medium inter homines terrenos, & Angelos Dei in paradiso deliciarum. Secundò, quia Haeretici omnes vbique locorum semper facilius tolerant Turcas, quam nos Catholicos. Quod anno proximè praeterito, quidam eorum in castrensi lapidea, cum non posset amplius suum virus haeticum retinere, claris verbis fassus est, se, nimirum, malle hic Cracouiae videre templa Turcarum, & Scytharum, quam vnum Catholicorum. Deniq; experientia ipsa docet. Turcae n. plurima templa Catholicorum patiuntur, & permittunt esse Hierosolymis, Constantinopoli, & alijs in locis sui imperij, cum possint ea funditus euertere atq; tollere: Haeretici vero statim, vt ius potestatemq; imperandi alicubi habuerunt, templa Sanctae orthodoxaeq; religionis fecerunt speluncas latronum, & stabula porcorum. Prognosticon hoc de illis verum esse potest: Armis imperij suum, donec durabunt, tam defendere, quam proferre conabuntur, quod conijcere nullo negotio quiuus ex eo potest. Quoniam vetus atque perpetuum eorum institutum est, vt intranti templum supplicandi causa imperatori, Talismanus aeditus sacerdos occurrat, claraq; voce pronunciet, vt meminisse velit, imperium, quod iustitia & virtute bellica partum sit, non alijs quam ijsdem artibus conseruari propagariq; oportere.

DE SCYTHIS.

SCythia est regio septentrionalis latissima, in duas diuisa partes, Europaeam, & Asiaticam, vtiusq; varia ac prope innumerabiles gentes. Sciendum autem est, Scythicum imperium non tantum antiquitate

antiquitate, sed etiam vastitate locorum & numerositate gentium suarum longè superare ditiones Turcicas: siquidem ipsi inter se non modò loca regionum, verùm etiam nomina illarum videre nequeunt, nedum nos Christiani. E quorum numero, Georgi, & Alani (teste Sab. lib. 6. En. 10.) Scythæ sunt. Pars regni huius trium dierum circuitu, tam densa obducta est caligine, vt ob tenebrosam speciem, nemo locum subeat, nec cernere sit aliquid in ea densitate tenebrarum. Qui in proximo habitant, exaudiri aiunt inde voces hominum, & gallorum cantum, hinnitum equorum, nec horum quicquam videre, regionem ipsam Anisen vocari. Fluit ex ea terra amnis, qui suo introitu arguit locum non esse sinè humano cultu. Haytonus, qui ad hæc vsque loca se peruenisse ait, auctor est in Georgianæ gentis monumentis proditum, Christiani cultus manum ingentem in ea olim loca compulsam impia Saurorini Regis Persarum insectatione. Cæterum cum hostile ferrum fugientium ceruicibus immineret, miraculo euenisse, vt profuga multitudo, tenebris sit repentè obseptâ, in minutissimi valli speciem. Ex quo iam non difficile est diuinare Tartaros non fore quidem cupidos dilatandorum imperij sui terminorum, sed auitis, modò illas in pace retinere possint, contentos futuros. Verùm tamen illi feri ac furiosi latrones contendunt, atque elaborabunt, sequentibus annis in vicinum illis regnum, quod est Poloniæ, excursiones perpetuas facere, vt multos opibus spolient ac denudent, ciuitates, oppida, rura, ac pagos exurant, pecudes abigant, plures trucident, plurimos in captiuitatem abducant. Quos tamen per Dei gratiam, nisi fortè discordia, interitus Rerump. obstiterit, fortiter resistendo, & penè quotannis cædendo, nostri à conspectu suo longè remouebunt, & in vastis illis solitudinibus quasi obligabunt. Nec, vt voti sui compotes fiant, in Germaniam, totamq; Christianitatem, quam veluti murus ab excursionibus Turcarum, Tartarorum, & aliarum vicinarum gentium tutantur, perumpere patientur. Quo nomine multum se fateri deberent Polonis vix grati in Poloniam, siue eius incolas, Germani-

DE IVDÆIS.

Sequitur vt de Iudæis fetidis aliquid perstringam, quos Saturnus, consensu omnium Mathematicorum, designat. Quinq; verò, eaque detestabilia scelera Iudæorum (omissa infinita coluue sortium illorum) notare mihi visum fuit. Primum, Machinabuntur ad

huc fraudes, dolos, imposturas, & quod maius est, multos spoliare fortunis, trucidare fœnore contendent, sed eis non succedet, propterea, quia Saturnus Iudæorum Planeta in multorum Christianorum domibus sequentibus annis decurrens, docebit eos hanc eandem artem Iudaicam, ita, vt illis diebus non facîle queas dignoscere, vtrum plerique nostrorum iocò, vt in comœdia, an seriò, Iudæos agant. Veniet enim tempus, quando non soli Iudæi, verùm etiam multi Christiani pecuniam suam in fœnore collocabunt. Sed quid dico veniet? Iam venit. Nam ante 5. annos scio quendam Ciuem Polonum in tractu Cracouien. datis fœnori florenis quadringentis, ex eadem pecunia fœnus centum flor: sibi accepisse, ab altero nobili. Itaq; factum est, vt qui volebat mutuos accipere quadringentos florenos, quot nimirum opus habebat, trecentos accepit. Qui quidem fœnerator est mihi benè cognitus. Sed ne ei conflare inuidiam videar, potiùs subticendum esse duxi. Nam vt corpus vmbra, sic virtutem sequitur inuidia, Est scilicet hæc non postrema politica virtus quærendi opes. Audiui & alterum quendam hoc idem facinus patrauisse præterito anno, cuius etiam nomen, eandem ob causam, silentio inuoluo. Veritas si quidem odium parit. Hoc est primum scelus Iudæorum exitiale, quod hac infelici senecta mundi Iudæi comunissimum habent cum plurimis Christianorum. Cui quidem sceleri iam paratus est ignis æternus, Iam enim omnes huiuscemodi iustissimo Dei decreto iudicati, & nisi resipuerint, condemnati sunt per Prophetam. Quærit enim ille in spiritu: *Domine quis habitabit in tabernaculo tuo, aut quis requiescet in monte sancto tuo?* Tandem respondet: *Qui pecuniam suam non dedit ad vsuram.* Fœneratores, tanquàm isti soli essent peccatores, in sacra scriptura, omisis alijs, prædicantur esse alieni, atque inepti Regno Dei. Alterum atrox facinus horum canum famelicorum est, per totum orbem cædes puerorum Christianorum. Anno Domini 1494. in Vngaria Tiruanix Iudæi seniores cum Christianum adolescentem occidissent, & scelus patefactum esset, comprehensi, & victi, antequam pœnas darent, cruciatibus adacti, quatuor causas facinoris fassi sunt. Prima, Gratia circumcisionis, quòd hominis Christiani sanguis intra circumcidendum præputio illitus, sisteret cruorem, & saluberrimo adiuumento foret. Altera, fauorum: Nam si in ferculo alicui daretur ad comedendum, ad conciliandum animum admodum conferret. Tertia, Menstrui: Nam cum inter eos viri ac mulieres menstruum sanguinis profuuium iuxta patianrur, epoto Christiani sanguis.

ni sanguine illico liberantur. **Quarta.** Consuetudinis, reconditiq; de-
creti, apud eos enim clam decretum erat, vt quotannis in aliqua regi-
one Iudæi Christianum Deo sanguinem libarent. Tertium horren-
dum ac nefandum scelus recutiti gregis, Vatinianum odium in Chri-
stus Dominum, Deum & hominem, verū Messiam. Vbiq; enim
subolfecerit vestia præsentia illius, quærit eum trucidare, quærit a-
nimam innocentissimi pueri, cum crudeli Herode, in diuinissimo Eu-
charistia sacramento, quem ibi præsentem adesse credit, eripere. Te-
stis est Casimiria Cracouien: testis Poshania, testis Bochnia, & a-
lia multa loca, quæ recensere non est præsentis negotij. Vos vos o-
Magistratus supremi appello. Si quem certò persuasi essetis volūate
peruersa & obstinata furari cupere Principem aut Regem vestrum, si
demum huius Principis vestri vitæ aut honoris insidiatorem noueri-
tis aliquem, nonne eum continuò acerrima morte è vita tollendum
esse duceretis, & decerneretis? Hic est Rex, hic Princeps vester Chri-
stus Dominus, hunc Iudæi non semel sunt furati, huius saluti & ho-
nori non semel sunt insidiati; imò occiderunt, interfecerunt, trucidau-
runt, & hucusque insidiantur. Cur per Deum immortalem quos iam
pridem cruci affixos esse oportuit, liberos per regnum vestrum vaga-
ri finitis? Tollite malum de medio vestri, & manus vestras sanctifica-
bitis. Quartum scelus, videmus nonnullos verporum, causa sui tur-
pissimi lucri veste clericali, in dedecus sacri ordinis, abuti. Hoc aut è fa-
ciunt, non nisi, qui sese corā imperita plebecula iactant atq; ostentant
Medicos, hacq; veste sola sibi opinionem aucupantur. Vulgus enim
ex veste iudicat. Vnde est illud, quòd omnes togatos ac palliatos, sa-
cerdotes appellet, etiam si non sint. Cuius quidem rei callidus Iudæus
non ignarus, in ouium vestitu, vt ita dicam, medicum sese insinuat in-
gratiam miseræ ac ieiunæ plebeculæ in Polonia. Sed, proh dolor, cur
tantum malum viget in polonia? cum in alijs regionibus, vbi leges di-
ligenter ac religiosè custodiuntur, hoc facinus Iudæum impium pa-
lo affigit, & ad mortem malæ crucis adigit. Adeò Iudæus nusquam nõ
imponit. Pudet quidem dicere, sed tamen in medium proferam. An-
te annos aliquot, cum primùm mediâ Quadragesimâ Cracouiam ve-
nissem, nec adhuc fortè quempiã nossem, veni in ædem Diuæ Mariæ,
vt tanquã verus Catholicus, confiteri possem peccata mea, sed eum ne
minè Sacerdotum reperissem, exiui. Interim dum oculos conijcio in
turbam, ecce Iudæus ante ipsos fores templi adest, amictus veste sa-
cerdotali, Doctorem sese medicum iactans, vltra progredi timet, ne
à Scho-

à Scholaribus, quibus est perpetuum cum Iudæis odium, interturbetur. Inscius conditionis ille cuius fuerit, & generis, reuerenter aperto capite, accessi ad eum, & rogavi, vt confessionem meam, pro suo pastorali officio, exciperet. Expalluit ille præ timore: Verebatur enim, ne ex eo pœnas sumerem, propter pudorem, quo vehementer suffusus eram, & cuius ipse causa erat mihi. Quocirca quæro ex vobis ô Antistites, cur hoc cedit illis impunè, quòd contra promulgatas leges eiusmodi vestitu, in contemptum Sacerdotum, superbiant, & publicè eis amicti incedant? Cur non pœnam contumaciæ subeunt? & recutitus à toga & pallio ad tunicam, & crocatam detruditur? Quintum deniquè scelus gentis perfidæ, quia cum sciat, & credat, iam in mundum venisse, & cum hominibus palàm conuersatum fuisse verum Messiam suum, Christum, scilicet, I E S U M Dominum nostrum, mundi saluatorem, ac omnia, quæ de illo Sancti prædixerant Prophetæ, impleuisse, propter inexpugnabilem mentis lux peruersitatem, & pertinaciam, non vult eum adorare, sed fingit se alium expectare. Sic enim ex Suida Græco, Doctore antiquissimo, excerptum Laurentius Valla interpres Latinitate donauit illustre quoddam exemplum Philippi, Aulici Cæsaris Iustiniani, Iudæum Theodosium ad Christi fidem reuocare conantis, & secreta Iudæorum sibi aperientis, in hæc verba cum refert. Temporibus Iustiniani Cæsaris, Christianorum optimi, electus erat Princeps Iudæorum, nomine Theodosius, Is erat Cæsari, & pluribus alijs, in aula bene notus, præ cæteris tamen singulari perpetuoq; amore complectebatur Philippum. Et verò cum sæpenumerò Philippus Theodosium admoneret, vt reiecta superstitionosa infidelitate Iudaica, in Christianorū numerum inscriberetur, & fidem veram Apostolicam, & Catholicam profiteretur. Quodam tempore familiarius cum eo agendo, liberè dixit illi: Cur tu, cum sis Doctor prudens, & legisperitus insignis, Prophetias omnes de Christi aduentu impletas, & consummatas esse non ignorans, Catholicam tamen fidem non profiteris, quæ te in statum vitæ æternæ inducere possit? Proinde cum tibi scripturæ passim sint obuiæ, confide in Deo salutari tuo, & Domino nostro I E S U Christo: nam qui non credit in nomine eius, igne æterno cruciabitur. Interim Iudæus ad hæc sic respondit: Grato id accipio animo Philippe studium tuum cupiens me in viam salutis inducere, iuxta professionis Christianæ institutum; vnde, quid tibi dicam, tanquam stare in conspectu Dei æterni, sic religiosè me audire velis referentem. Certò scio, & nullatenus dubito Iesum

TO IESVM CHRISTVM NAZARENVM, qui in lege nobis & in Prophetarum scripturis erat promissus, quem Prophetæ prædixerant venturum esse verum Dei Filium, iam & venisse, & in medio nostri fuisse, quem vos Christiani summo honore colitis, & oratis in nomine eius; verumtamen fragilitate humana circumuentus, Christianam non profiteor religionem, & reluctor temerè: quoniam nunc quidem cum sim Iudæus, etiam Princeps vocor inter Iudæos, & summè obseruor, omnibus affluens diuitijs, & copia rerum abundans, quæ beatum me in hac vita efficere videntur. At verò si Christianus fierè, omnibus his bonis priuaret, quæ vitam florentem, & felicè faciunt. Hincq; licet Patriarchâ me crearent Christiani, certè non tantam fortunarum quantam nunc accessionem haberem. Quocirca cauens, ne istas mundanas diuitias amittam, futuram vitam contemno, & aspernor. Nihilominus tamen, vt facilius dictis fidem adhibere velis, constantissimæ amicitia nostræ plurimum attribuens, aperiam tibi abstrusa, & profundissima arcana Iudæorum, quæ inter nos Iudæos abscondita sunt. Nos equidem certo certius scimus, Christum, quem vos adoratis, & diuinum ei cultum defertis, eum esse, quem nobis lex & Prophetæ prædixerant. Idque nobis sole clarius patet, non modò ex eo, quod de illo in scripturis obuium est legentibus, sed etiam ex abscondito arcano, & nemini vnquam diuulgando mysterio, internos Doctores primarios religiosissime seruâdo: quod ego tibi hodie, vt amicorum optimo, & integerrimo, patefaciam. Illo antiquo sæculo, dum templum Hierosolymis esset constructum, erat de more positum apud Iudæos, viginti seniores Sacerdotes Ecclesiæ ministerio destinare, nempe totidem numero, quot sunt literæ in Alphabeto, vnde etiam & viginti libros sacræ scripturæ recipimus, & numeramus: ad vnumquemque enim librum explicandum vnus Sacerdos deputabatur, simulq; nomè & cognomeneius inscribatur. Et verò cum è vita migrasset aliquis ex Sacerdotibus, superstites, consilio factò, in templo Hierosolymitano alium substituebant in locum demortui, numerum Sacerdotum suppletes, electumq; in libros inscribent, vt patet in exemplo. Eo itaq; die defunctus erat Isaac Benjamin Abrahami & Saræ filius, in locum eius successit Samuel Ezechiel Salomonis, & Uriæ filius: quæ quidem consuetudo apud Iudæos hucusque durat. Accidit autem eo tempore, cum Iesus in Iudæa degeret, mortuus est quidâ ex 20. Sacerdotib. priusquam Iesus innotesceret mundo, & doceret, vt crederent in eum, conuen-

C

runt Iudæi

funt Iudæi, vt eligerent alium, & quilibet eorum suffragium daret, sed cum post multas verborum ambages constare sibi non possent, & votis concordare non valerent, quidam ex eis legislator surgens in medio illorum inquit: Patres seniores, multorum equidem mentionem fecistis, verumtamen nullum hoc munere dignum iudicatis. Ego itaq; filium Iosephi nomino, & in eum consentio: ætate quidem iuuenem, sed probatissimis moribus excellentem, & doctrinâ perfectum, ac insignem, ita, vt nullus ei par inueniatur profectò, tam in scientia scripturarum, quàm in perfectione vitæ, & morum integritate: quod omnibus Hierosolymis inhabitantibus notum est. Id dictum audientes omnes alij Seniores Patres approbauerunt. Iesumq; Nazarenum inter Sacerdotes connumerauerunt, ac dignum præter omnes alios Sacerdotio iudicauerunt. At verò cum quidam ex eis assererent, eum non esse ex tribu & linea Leui, sed ex progenie Iudæ, nemini enim Sacerdotij dignitas seruibat, nisi qui originem inde duceret. Sacerdos hic respōdit. tribus istas esse inter se commixtas, & inde genus Iosephi procedere. Quod cum dixisset, confirmauerunt IESVM NAZARENVM electum in locum defuncti Sacerdotis. Et quia hic mos erat, vt non solum nomen nouiter consecrati Sacerdotis in libros inscriberent, sed etiam nomen Patris, & Matris; aduocata erat mater eius ad Synagogam, vt palàm diceret, quis esset, & ex quo Patre susceptus, quoniam vocabatur filius eius, iam enim Iosephus Pater eius è vitâ excesserat. Respondit Maria: Confiteor coram Deo æterno, & coram vobis Seniores Patres, IESVM esse filium meum. Sed cum Patrem in terris non habeat, hinc vel maxime perspicere potestis, quia ego virgo existens, virum neutiquam agnoscens, Prophetam Esaiam legens, Angelum de cælo nunciantem mihi filium audiui, & nomen filio imponentem, sicq; virgo concepi, virgo peperit, virgo permansi. Percontabantur illi: Maria dic liberè, cuiusnam sit filius, vt si nomen eius inscribamus: qui n. parentes eius à te nuncupati fuerint, illi inscribentur. Maria respondens dixit: Reuera ego illum peperit, sed nescio patrem eius in terris: ab Angelo tamen audiui eum esse filium Dei. Quod cum dixisset Maria, allati sunt libri, in quibus scriptum erat: Die N. è vitâ excessit Sacerdos filius N. in eius locum, omnium Sacerdotum concordantibus votis, electus est IESVS filius æterni Dei Mariæ virginis. Isti libri tempore excidij Hierosolymitani maxima cum diligentia Sacerdotū asseruati erant, nunc autem sunt Tiberiadi, sic dicta ciuitate: de quibus quia pauci

pauci Iudæi sciunt, saltem hi quibus creditur, & mihi, uti primario Doctore, clam reuelatum est. Itaque non modò ex lege, & Prophetarum lectione scimus euidenter, Christum, quem vos adoratis, esse filium Dei uiui, & propter salutem mundi in terras descendisse, sed etiã ex lectione scripturæ illius, quæ est Tiberiadi. Quod cum dixisset Iudæus, illicò Philippus zelo pietatis ductus ad Cæsarem ire properat, illiq; id, quod protulit Iudæus, reuelare, ut quàm ociosissimè libros Tiberiade asportare iuberet. Respondit Iudæus: Impossibilia tentas, mille mortes Iudæi potius patientur, quàm eos libros prodere fas ducent. Quòd si infortunio & calamitate aliquã premantur, libros igne cremabunt, & perdent omnino. Quare non sis causa multorum malorum, ego enim tibi, uti amico fideli, hæc communicauim nemini vnquam effutienda, ut scias, quia non ex ignorantia, sed vana quadam gloria, & rerum habendarum cupiditate, Christianam fidem repudio, & respuo.

Interea Philippus dictis fidem adhibens, nihil Cæsari retulit, ut ne Cæsar, optimus Catholicus, frustra magnam stragem edere conaretur: amicis igitur saltem id aperuit, & rei veritatem edisseruit. De hac descriptione Sacerdotum extat locus in libris Iosephi Iudæi de captiuitate Iudæorum, (quem citat sæpè Eusebius Cæsariensis in Chronicis) dicentis Iesum in templo consecrare populum solitum esse cum alijs Sacerdotibus. Quòd cum inuenissem in libris Iosephi Doctore antiqui, & non multo tempore vigentis post Apostolos, volui etiam id sacris literis confirmare. Legitur enim in Euangelio Lucæ, Dum venisset Iesus in Lycæum Iudæorum, datum fuisse ei librũ, in quo legit Isaiæ Prophetiam: Spiritus Domini super me, ideò, quia vnxit me, ut Euangelizem pauperibus, misit me, & de me intelligendum. Quod si Dominus Iesus nullum Sacerdotij officium habuisset, procul dubio inter Iudæos non illi datus fuisset liber, ut in Schola legeret, & in templo postmodum populo prædicaret, cum neq; Christianis liceat in templo concionari, nisi qui legitimè consecratus ab Episcopo, & ministerio Ecclesiæ deputatus fuerit. Quapropter iure merito credendum est, verum protulisse obduratum Iudæum de Christo Domino.

Hæc ad extremum de Iudæis verissimè vaticinari audeo. Eos nimirum inani spe ali. Petrus enim Cluniacensis lib. 2. contra Iudæos Cap. 5. auctor est, Iudæos stolidissimos promissionem Abraham factam de multiplicando semine eius sicut stellas cæli, & arenam

maris referre ad tempus cū Messias venerit, & eos in sanctam terram reducerit. Tunc n. quamlibet mulierem eorum, quolibet die filium parituram. Hæc de Iudæis maledictis.

DE CHRISTIANIS.

Iam venio ad Christi cultores, qui nomina sua vero Deo dederūt vt quid illis desit perspiciant tempestiuè, antequam eos Tartarus rapax absorbeat. Christiani igitur sunt duplices. Alij veri, & hi sunt boni Catholici. Alij non veri. Non veri rursus duplices sunt. Alij qui nec videntur esse Christiani, nec sunt, & hi sunt Hæretici omnes omnium sectarum. Alij qui videntur quidem esse, & non sunt, veluti rustico orichalcum aurum. Et hi quidem sunt mali Catholici, qui etiam in sacris literis designantur per paleas tritici. Horum omnium est imago & similitudo in corpore nostro expressa. Nam quemadmodum in nostro corpore alia sunt membra: vt, caput, thorax, manus, pedes, & alia minutiores partes. Item, sanguis, ossa, cæteræq; similes partes, quibus sanis, nobis bene est: Ita quoque in Ecclesia sunt primò boni Catholici, qui credunt Deum esse trinum in personis, vnum in essentia, qui vnam sanctam Ecclesiam Catholicam Romanam Apostolicam puro corde, ore, & opere profitentur. His sancta mater Ecclesia tanquam proprijs membris gaudet, ac delectatur. Et sicut in eodem nostro corpore sunt humores prauis ac noxijs: vt, cholera, melancholia, phlegma: & excrementa, vt sterces, vrina, mucus, sputum, sudor, quæ corpus tanquam sibi nociua ac contraria expellit. Hæc autem antequam egerantur, vehementer nos excruciant, eiecta autem omni dolore leuant: Sic etiam Ecclesia Dei antequam molestissimum onus hoc & tormen ventris sui (hæreticos nimirum) deiciat, grauissimè eam affligi excruciarique est necesse. Iam verò vt deiciens non potest non perfundi gaudio, dum sentit se onere leuatum esse: pari ratione, dum fætida ista excrementa (qualia erant illi non bipedum modò, sed quadrupedum etiam impurissimi Diabolicæ sectæ assertores: Arius, Hus, Calvinus, Lutherus, & sexcenti alij hæreticorum antesignani, & infernales titiones) mater Ecclesia ex gremio suo, tanquam ex aluo cum mordicatione foras egressit, & gehennæ destinauit, gaudet, vehementerq; lætatur. Deniq; sicut in corpore nostro sunt multæ superfuitates: vt sunt pili, vngues, verrucæ, & id genus alia, quæ quamuis non sint membra nostri corporis, tamen ex eo profecta, ad

ta, ad illius ornamentum pertinere videntur. Et quoniam hæc non
eruciant quidem, sed, producta supra modum, leuiter molestant,
idcirco solent radi, præcidi, atque foras, vel in ignem deijci: Non secus
mali Catholici, etiamsi partes nostri corporis, & membra capitis e-
iusdem quodãmodo esse appareant, non tamen ob hoc sunt: Et quoniam
etiam excreti & multiplicati inter nos deformant, deturpantq; cor-
pus Ecclesiæ, idcirco præcisi ac in fasciculum colligati in ignem proj-
cientur, tanquam nulli vsui apti. Agè verò, vt hæc omnia, quæ hac
tenus de Christianis dicta sunt, alicui vsui nobis esse possint, vaticinijs
posthabitis, Medicum agam. Ad vos igitur ô viri in magistratu po-
siti, verba facio, vos mea spectat oratio. Si vultis futuris annis sani-
tati vestræ bene consulere, nec ad mortem ægrotare, hanc, quam vo-
bis medicinam afferro, sumite. Purgate corpus hoc vestrum, pote-
stis enim, saltem velitis, Ciuitatem intelligo, noxijs humoribus, scilicet
hæreticis, qui sunt sentina omnium malorum, perpurgate, &
perfecta sanitate perfruemini. Præscindite vngues nimis prominen-
tes, radite cæsariem capitis vestri. Quod vos tunc primum præstitisse
existimabitis, cum eorū, qui in Catholicorum bonorum palliolo tan-
ta patrant scelera, quanta ne inter gentes quidem, feras illas, & bar-
baras, audita vnquam fuere, non cultro vngues præcindi, non capil-
los nouacula radi volueritis, sed manus securi amputari, capita ne-
bulonum actenebrionum omnium, gladio, quem gestatis ad vindi-
ctam malorum, & defensionem bonorum, decollari contenderitis.

DE CRACOVIA.

INCOLÆ & habitatores Cracouien: proximo & sequentibus
annis non poterunt, tutè & tranquillè, ac placidè vitam degere,
propter aspectum Martis: Duobus enim ingentibus prementur
malis. Quorum primum erit bacchatio: Instabunt enim quidam fu-
riosi grassatores, imò potiùs latrones, qui à prima face noctis, vsq;
ad primum sæpè diluculum omnia loca, omnes plateas, vicosq; cir-
cumeuntes, in eos, quoscumque armis, & viribus sibi impares depre-
henderint, vel etiam quos imbelles agnouerint, sæuientium instar fe-
rarum, debacchabuntur: eos verò, qui sibi superiores visi fuerint,
non aliter atq; oculi noctuæ lumen solis, aut Crocodylus persequen-
tem se effugient. Sunt enim simillimi Crocodylo, cuius hanc ferunt
naturam, vt persequentes se fugiat, fugientes autem perniciosissimè per-
sequatur

sequatur. Equidem fæce illa & colluione hominum (quos passim
Cleopardienses milites vocamus) sub concauo lunæ quid potest esse
vilius ? quid abiectius ? quid sordidius ? In quos verè illud quadrat :
Nos numerus sumus, & fruges consumere nati. Cùm enim labores homi-
num isti gurgites ac voragines depascant, ac helluentur, ipsi verò in
commune sua opera nihil conferant, tantum singuli, singulis diebus
annonæ ciuitati liguriunt, quantum vno die inuitati conuiuæ 365. cõ
sumerent. Vnde patet, si sint eiusmodi homines centum (sunt autem
mille) quantum bonorum hominum panis singulis diebus auferant
ac deuorent ! Interdiu vrsi ac lupi isti carniuori in receptaculis suis de-
litescent, quandoq; etiam speciem bonorum simulantés ac gerentes,
in solem procedere non verebuntur, conuersariq; cum hominibus au-
debunt. Hespero autem oriente, se ex iisdem repentè, tanquam ser-
pentes è latibulis suis, efferent. His non erit nouum, vestibus, nullo
habito respectu sexûs, ætatis, conditionis, dignitatis, exspoliare,
imò (proh dolor) denudare. Memini Anno Domini 1609. in platea
Sutoria, cuiusdam ciuis famulam, missam allatum cereuisiam suæ he-
ræ, vbi extra limen primâ noctis egressa est, illico omni vestitu priua-
tam ac spoliatam fuisse : Clamauit illa, væ ingeminabat, nil profecit.
O si adstitisses tunc, quasi rursus ex vtero materno recens prodijisse e-
am videre potuisses. Non erit præterea nouum, simulare se cum alijs ar-
mis decertare, iaculari, nonnunquam, vt commodius, quod est intus
reconditum, furentur, effringent multorum fores, auellent claustra,
non erunt pigri, ad cantandum, clamandum, vociferandum, ne de-
feratur strepitus ac stridor ad aures patrisfamilias, suorumuè quem-
piam. Has sordes ac fæces Ciuitatis, quidam, aliàs honestiores, imita-
buntur, non quidem causa furandi id faciunt, sed quia, decepti simi-
litudine (cùm præclarum sit gerere bellum contra hostem Patriæ)
speciosum quoque illi putabunt in via lapidea militare. Et est captio
Sophistica. Hic non possum satis mirari quosdam Thyrsiferos, qui
quamuis diligenter Elenchos Arist: audiuerint, vnico tamen hoc so-
phismate tam facile illaqueentur ac irretiantur. Plures tamen ab au-
lis, negotij inopia, debacchabuntur: Paucissimi omnium artifices ma-
nuales, scient enim se non ad bacchationem, sed magis ad crepidam ef-
se natos. Huc accedet, quòd edocti suo, suorumq; periculo sapient, &
iuxta illud : *Phryx plagis melior.* Tenebunt enim recenti memoria, quæ
ab his omnibus, quos supra enumeravi grassatoribus, annis superio-
ribus, dum tempore nocturno saxa volabant, acceperunt. Ante ali-

quos

quot annos incidi in quendam magnum atq; honestum virum, qui mihi certo certius affirmabat, priscais seculis hæc Legato S. C. Maieft. accidisse. Hic missus erat in Poloniam ad Sac. Reg. Maieft. qui vt Clepardix pedem fixisset, conspexit furiosorum & bacchantium virorum multitudinem, quorum quidam (vt nostris mos est) vociferari, quidam quasi ebrj minitari, quidam ad arma prouocare, gladios euaginare, quidam multitudinem plebis in fugam vertere cœperunt. Tantis malis perterritus Germanus, ex equo decidit, & in fugam se coniecit, ratus enim intestinum & ciuile bellum exortum fuisse (nunquam enim antea fuit in Polonia) ac ob id vitam suam in medium periculum proiectam, vt saluus & incolumis euaderet, subitò Cracouiam se recepit. At cum & illic non absimilia conspexisset, quosdam enim bombardas explodere vidit, quosdam se quasi insequi aduertit, miser vehementi terrore percutus, in templum D. Marci profugit, & ceruo velocior ibi se abscondit, existimans se ibi periculum euadere omne. Et ecce Monachus quidam eiusdem conuentus incolæ, fortè fortuna pertransiens (missus enim erat à superiore petitum elemosynam) in platea grauiter vulneratus, ducitur in Monasterium, vix incedit, sanguis sisti non potest. Quo animaduerso Germanicus ille Orator, hæc in animo suo cœpit cogitare : *Si domestico, & quod maius est, sacerdoti, præterea in belli Monacho, qui nulla secum gestat arma, non est paratum, qua ratione ego, cum sim alienigena, hæc tutus esse potero? Ergo cursu præpropere in artem Regalem euolabo, tanquam locum tutiorem. Nec multum itineris confecit, & iam iterum videt in foro iacentem occisum hominem, eminens hominum turbam aduertit grassantium, gladios stringentium, passim in obuios debacchantium. Tandem secum ipse sic loquitur : *Iam non est cur dubitem, quoniam arx Regia sit clausa, vt Serenissimus Rex ab incursione istius vulgi indomiti, & seditiosi sit liberior. Non mihi ad eum patet interim aditus. Quocirca reuertar ad Sac. Casar : Maieft. & omnia qua oculis meis vidi, qua auribus hisce audiui, referam. Qui cum rediisset, flexo poplite coram S. C. M. in hæc ferè verba prorupit : *Primo omnium à Casar inuictissime, Deo tantas quantas mente concipere possis, ago & habeo gratias, qui me hucusq; illa sum, & incolumem reduxit, nec manibus seditiosorum hominum discerpi permisit. Deinde nuncio tibi miserum esse faciem Ciuitatis Craco: plena est tumultu, plena seditiosorum hominum multitudine, plena bello intestino, ac domestico. Nulla pax ibi viget, mortali generi placidissima, non tutus in plateis transitus, non in priuatis adibus commoratio, non in templis, vbi Deus Opt. Max. solet adorari, & pia mente***

colli, vlla quies habetur. Arcis Regia porta omnes occlusa & obstructa sunt, vnde nemini licet ad Regem accedere. Idcirco eni & ego rebus infectis coactus sum redire ad S. C. M. T. & hac tibi nunciare. His auditis Cæsar infremuit, & tristatus est vehementer: & turbato erat animo. Interim quidam Polonus nobilis, non ignarus legum Patriæ suæ, morumq; populi, qui tunc in aula Cæsariscommorabatur, volens persuadere Gentem Polonam excelsi esse animi, nec adeo horridam & barbaram erga cæteras gentes, hac oratione animum Cæsariscæmœre leuauit, sicq; cum blandis verbis aggressus est detinere: *Esto bono animo & placabili d. Casar inuidiosissime, neq; quicquam pertimescas de Polonia, aut inhabitantibus eam, tantam tranquillamq; pacem Serenissimus Rex, Senatus, & populus Polonus trahit. Non bellum, non ciuilia dissidia, sed mores & validi pectoris ausus vidit hic orator. De more enim & antiqua consuetudine est receptum apud nos venustus multis & varijs armis vir militaris incedat, ita vt si videris, potius vendere velle, quam illis vii, dixeris. Militia est stolidorum intra muros iaculari: fortitudo in foro cades agere, & stragem ingentem edere: laus imbelles armis repellere, fugare, auertere: claustra auellere: virtus, siue plebeium, siue nobilium occidere, ignauiam proprijs viribus aduersarium suum non vlcisci, sed eum in ius vocare. Taceo peiora.* Hæc & similia, cum illa sua satis disertâ oratione (vt erat orator in aula Cæsarea præcipuus) Polonus narraisset, atq; in laudes eximias Gentis suæ excurrisset, omnes simul fremebat, suspensiq; & quasi obstupescit stabant. Tandem Cæsar ridere, omnes cachinnari, legatum sibilis excipere cæperunt, eo quod talis casus minus rem ipsam consideranti cuenisset. *Ac vt eò iam vnde digressus sum, reuertat, aio. Si magistratus volunt, vt Ciues sui ocio fruantur iucundissimo, commo distissimq; si que cupiunt, & remis (vt aiunt) velis que contendunt, vt fabulam hominum euadant, & risum exterarum nationum euitent, perpurgent ciuitatem suam, eijciant lutum fetidum eius, eluant sordes ubiq; scatentes, aliàs non erit pax. Secutum multo execrabilius malum premet atque vrgebit hanc ciuitatem, perpetua discordia, certus Rerumpub. interitus inter ciues regnabit. Cuius causa erit diuersitas cultus Deorum. Quæ enim participatio iustitiæ cum iniquitate? Aut quæ societas lucis ad tenebras? Quæ autem conuentio Christi ad Belial? aut quæ pars fidelium cum infidelibus? Qui autem consensus templo Dei cum Idolis? Dominabitur autem tam diu hoc malum, quam diu vel vnus in ciuitate manebit, qui religionem puram & orthodoxam fidem Romanam velit conspurcare. Quoniam posita causa, ponitur effectus, & sublata eadem, tollitur quoque, vt*

Philoso-

Philosophus verissimè dixit: Non est itaque sapientis putare, vt durante causam non possit effectus consequi. Sed quid opus est multis? Commemorate vobis omnes tumultus atque seditiones ciuitatis huius vestræ, ab illo anno infelicissimo incipientes, quo primùm hoc genus Gabaonitarum à Tartareo Orco emissum apud nos peregrinari cæpit. Commemorate, & inuenietis nullam seditionem maiorem, & vobis periculosiorem vnquam accidisse, quàm eam, cuius causa Hæretici fuere. Vidistis oculis vestris innocentissimum sanguinè, proximè præterito, id est, 1611. anno, à rabida Hæreticorum frendentium colluione passim effusum esse. Hi enim lupi, ne viderentur exuere vestitum ouium, non ipsi omnes suis manibus cruentis & sacrilegis, sed precio conductis ac mercenariis, illam quam semper spirant, siue conuiuentibus, siue annuentibus ijs quos prohibere potius decebat, eadem & occisionem Christianorum fecerunt. Et cum neminem Catholicorum sibi resistere, ne dicam vim aliquam inferre, vidissent, suam verò insatiabilem crudelitatem iamiam exercere, ad id eos instigante Caco dæmone, decreuissent, quosuis obuios Catholicos sine delectu necandos trucidandosque denotauerunt. Nostis enim quàm fortes sint milites pueri, tamen horum illi non paucos scelerati iaculis & bombardis traiecerunt. Nostis quàm pugnax vita Sacerdotum, tamen quendam presbyterum, vitæ integerrimæ, ac innocentissimæ hominem, ad eadem omnium Sanctorum Vicarium, in medio cæmiterio horas Canonicas recitantem, grauissimis vulneribus affecerunt. Hæc sunt funestissima initia, quibus nisi in tempore occurreritis, actum de vobis. Nam præter incommoda assidui tumultus, tales erga vos ministros ventris sui cognoscetis, quales vicinæ, & aliæ plurimæ gentes remotiores, expertæ sunt. Cauete igitur, si qui tales estis, ne cum Iuda Iscariote religionem Catholicam, Christianam, atque adeò multò potius Christum ipsum, triginta aureis Ministris sathanæ diuendatis, atque in manus peccatorum tradatis. Quod si feceritis, accipietis mercedem fratris vestri Iudæ. Hei mihi, quòd non liceat prædicere, quæ liberet exprimere, quæque futura esse scio, denunciare. Sed (proh dolor) Cracouia, imò tota Polonia, patieris multa indigna. Senties virtutè libertatis, seu potius, dissolutæ consuetudinis, licentiæ, & impunitatis. Vide Domine IESV, considera, iudica, vindica.

DE MULIERIBVS.

VT quoque de garrulo atque vaniloquo grege mulierum bene mereri possimus, ex iis, quæ multi multa vaticinia de mulieribus literis consignarunt, placet pauca in gratiã illarum afferre. Quale est cum primis illud, quod inueni in quodã veteri codice: *Mulier hominis confusio est, continua sollicitudo, indeficiens pugna, quotidianum damnum, solitudinis impedimentum, adolescentiæ naufragium, animal pessimum, pondus grauisimum, aspiis insanabilis, humanum mancipium*: & vt ait D. Chrysost. *amicitiæ inimica, inenitabilis pœna, necessarium malum, naturalis tentatio, desiderabilis calamitas, domesticum periculum, delectabile detrimentum, mali natura boni colore depicta*: si iniuriam patitur, insanit: si honorem accipit extollitur: si potentis vxor sit, non cessat nocte atque die callidis stimulare sermonibus: blanditur nequiter, & quod vult, rapit violenter. In summa: *Omnis mulier sagitta demonis, insatiabilis vorago, ianua inferni*. Nonnulli feminas monstra esse hominum aiunt, & propter calorem deficientem nasci. Quod idem iterum Diuus Chrysostomus comprobabat: *Nulla bestia comparabilis malæ mulieri*. Et Mim: *Mala vxore pœna nulla acerbior*. Nec ab his dissentit D. Ambrosius: *Magna animæ amaritudo est in domo vxor tristis*. Quid Eccle: 28. dicit? *Non est caput nequius super caput colubri, & non est ira super iram mulieris. Commorari leoni & draconi placebit, quàm habitare cum muliere nequam. Nequitia mulieris immutat faciem eius, & obocæcabit vultum suum tanquam versus, & quasi succum ostendet in medio proximorum. Ingemuit vir eius, & audiens suspirauit modicum. Vt interim missum faciam Petronium Arbitrum, cuius hæc de muliere extant verba:*

*Famina nulla bona est, quod si bona contigit vlla,
Nescio quo fato res mala bona facta est.*

Vnde illud peruulgatum:

Aspide quid peius? Tygris: quid Tygride? Damon.

Damone quid? Mulier: quid Muliere? nihil.

Cui consonat illud Eccle: 7. *Vixum, de mille vnum reperi: mulierem ex omnibus non inueni. Quo fit, vt multi, cum superent demonem, superentur à mulieribus*. Vnde ait quidam:

Adam, Samsonem, Petrum, Dauidem, Salomonem.

Decepit mulier: quis modo tutus erit?

O malum summum, & acutissimum telum Diaboli mulier. **O** malum omni malo peius mulier mala. **O** malum intolerabile, vipera irremediabi-

mediabilis, venenum insanabile, mulier mala. Auguror itaque, proximo anno, & aliis sequentibus, non fore fidas maritis suis, nedum amafis. Viros quidem in ore, amafis in corde gestabunt: Anima autem plus est, vbi amat, quàm vbi animat, illudque Catulli completum iri:

Mulier cupido quod dicit amanti,

In vento, & rapida scribere oportet aqua.

Hinc quidam,

Non est in speculo res quæ speculatur in illo:

Apparet, & non est in muliere fides.

Hæc dicta velim intelligi tantùm de malis mulieribus: nam de bonis (quæ sunt albo coruo rariores) nihil hoc loco dico, quæ etiam ipsi mihi, si quid bene fecerint, placent. Ne itaq; turbentur, sed bono animo sint, meque se tacitè laudare, & prædicare semper existiment, & postea integris libris laudaturum sciant. Quî enim fieri potest, vt bonû vituperem? præsertim cum etiam in sacris literis optima matronæ, multis nominibus celebrentur. Et primò quidem Eccle: 26. *Fundamenta aterna super petram solidam, & mandata Dei in corde mulieris sancta.* Et Prouerb. 12. *Mulier diligens corona est viro suo, & putredo in ossibus eius, qui confusione res dignas gerit.* Deinde Eccle: 9. *Beatus qui habitat cum muliere sensata.* Et 26. *Mulieris bona beatus vir: nam numerus dierum eius conduplicatur. Mulier fortis oblectat virum suum, & annos vite illius in pace implebit. Pars bona mulier bona, in parte bona timentium Deum, dabitur viro pro factis suis.* Tandem Prouerb: 18. *Qui inuenit mulierem bonam, inuenit bonum, & hauriet in eunditatem à Domino.* Etenim (vt est Prou: 26.) *sicut Sol oriens in mundo in altissimis Dei: sic mulier prudens in ornamentum domus suæ.* Vnam verò præcipuè Dei sobolè & creaturam ab his interim excipio, quæ iam est bona; neq; nobis (nobis inquam) qui sumus Arcades ambo virtutum, castè displicet. Sit ergo hoc in æternam eius memoriam testimonium, & monimentum virtutis. Nomen Virginis Sapientiæ; cui hæc dare, atque dicare libuit. Hanc enim ob illius præstantiam, formositatem diligo, hanc amo, sed & propter eius Animum Mitem, quem suauissimè diligentissimèque colo & obseruo, tueor ac veneror. Cum hac viuere, cum hac mori cupio, & exopto; sed cum Sapientiâ, Cæteras contemno, ac reformido, innixus autoritate sacræ scripturæ, Prouerb: 7: *Dic Sapientiâ, soror mea es, & Prudentiam voca amicam tuam, vt custodiant te à muliere extranea, & ab aliena, quæ verba sua dulcia facit.*

Vaticinium ex Sphygmica arte desumptum,
quo arcana suspectarum mulierum de-
teguntur.

SI verò noscere cupis, sitne mulier obnoxia delicto, an immunis, de quo tibi est suspecta, hoc vaticinii loco habeto ex pulsibus. Tange eius arteriam, interea verò temporis perterrefacito ipsam verbis tuis, asseuerando te scire ipsam non esse extra culpam. Si enim deliquit, incidet statim in animi perturbationem, timorem scilicet, vel mœrorem, vel timorem simul cum ira. Eas autem animi affectiones conantur plurimæ celare, sed pulsus detegunt eas, & produnt ipsis inuitis. Fiunt autem pulsus primò parui, languidi; postea inæquales anonymi, iam parui, iam magni, iam celeres, iam tardi, iam crebri, iam rari iam vehementes, iam languidi, sine vlllo ordine. Perseuerat autem ea pulsuum inæqualitas, & ataxia aliquousque, nec citò disperit. Quare repetitis vicibus, iterum atque iterum tangenda est arteria mulieris, vt scias, citòne sedetur pulsuum inæqualitas, & ordinis perturbatio. Sunt enim nōnullæ naturæ timidæ, quæ ob quascunq; etiam leuissimas occasiones expauescunt, licèt sint innoxia. Sed talibus citò desinunt pulsuum inuouationes, & sicut ex abrupto incipiunt, ita repentè pereunt: illis verò lentè, quæ culpæ sunt obnoxia. Hoc modo Iosephus Struthius Posnaniens. Medicus, circa annum D. 1555. ex pulsu vxorem cuiusdam viri Nobilis correptam fuisse amore iuuenis adulteri cognouit. Cùm enim assideret quadam die ei faxminæ, cæpit de industria percunctari res plurimas ab ea, quarum cognitio ad curandam eam (nam maritus eius medendi causa in febre curæ eius eam commiserat peregrè proficiscens) videbatur esse necessaria: interim verò manum eius atrectabat, & tangebatur arteriam interpollatim. Insinuauit etiam mentionem multorum hominum coram ipsa, quos nominatim recensebat. Quum verò inter cæteros nominauit eum, quem ipsa deperibat, cæpit illico pulsus variari, ac ex naturali fieri multò minor, celerior, crebrior, & languidior, sed in iis omnibus inæqualiter, commutans sine vlllo ordine, pulsus paruos in magnos, debiles in languidos, & vicissim hos in illos: similiter & celeres in tardiores, crebriores in rariore, & è contra. Perseuerauit ea pulsuum immutatio aliquousque, nec citò desit. At ille tunc coniectura est assequutus, illum ipsum fuisse eius adulterum, ad cuius com-
memora-

memorationem ipsa tantum expauit, & pulsus perturbauit: quod non contigit aliàs, dum aliorum iuuenum, præter adulterum, mentionem faceret. Talem autem pulsum in ea reperit ad recordationem sui adulteri, qualis fit in timore, dum ei repugnat ratio, & facit hominem anxium, & distractum. Hoc secretum tibi qui legis valde vsui fore non ignores, si de eo mulierem omnem celaueris.

Vaticinia notatu digna de Nouerca.

Non licuit mihi in meis vaticiniis, sicco (vt aiunt) pede Nouercas transire, ne, si fortè le contemni à me arbitrarentur, iniquo erga me animo futuris annis sint, cum etiam illæ de nobis, quibus eas aliquando habere contingit, similiter mereantur. Nemo autem mirabitur, Nouercam peiorem esse pessima quauis muliere, quæ ea, quæ paulò superius de mulieribus in communi literis mandauit, perspecta habeat. Nam præter id, quòd sit mulier, est etiam Nouerca. Itaque cum binas causas habeat suæ peruersæ malitiæ, quid mirum est esse eam improbam? Imò verò, si quando bona est, obliuiscitur naturæ suæ duplicis. Sed ne ei facere iniuriam videar, si nimirum rem nudis verbis prolatam, certis & euentibus rationibus, & argumentis non comprobauero, in gratiam illius, proferam in lucè de illa antiquorum præsentissima testimonia. Neque enim veteres illi viri, benigniores vnquam erga se Nouercas experti fuerunt. Sic namque de sua inquit Tragædus Seneca:

Tulimus saua iussu Nouerca,

Hoffilem animum, vultusq; truces.

Virgilius quoque non ab simile de sua scriptum reliquit:

Est mihi namq; domi Pater, est iniusta Nouerca.

Quinetiam idem ipse Virgilius, non aliter atque de veneficis & incantatricibus fentit, dum priuignis hanc præparat, contra illarum venena & incantationes, medicinam:

Media fert tristes succos, tardumq; saporem

Felicis mali: quo non præstantius vllum,

Pocula si quando saua infecere Nouerca,

Miscueruntq; herbas, & non innoxia verba.

Neq; etiam ab hoc dissentit Ouidius ingenio sus Poëta:

Lurida terribiles miscent aconita Nouerca.

Cui Sententiæ assentit & Euripides, qui eam cum horrida vipera confert: *Inimica consequens Nouerca liberis prius genitis, vipera nibilo clementior est.* Et vt multa in pauca contraham, illud solùm documento

esse potest, quanto odio prosequantur nouerca suos priuignos, quod passim ab Authoribus viurpatur. Hi enim quando volunt exprime- re acerbitatem & atrocitatem odij illarum, dicere consueuerunt: *Odi- um nouercale*: quemadmodum etiam dicitur: *Odium vatinianum*, quo nullum videbatur esse crudelius: *Et nouercari* verbum quid aliud so- nat apud Latinos, quam more Nouercarum agere: hoc est, malignè & inimicissimè: Etenim Nouerca ferè omnes, odio quodam fatali pro- sequuntur Priuignos: Nec aliam credo causam fuisse, quod Aphtonius Sophista non permiserit deslere mortem Nouercarum, sed potius tunc maximè gaudere, lætari, & exultare præceperit, cuius verba subijcere mihi placuit:

Rideatur qui ad tumulum Nouerca fuerit lachrymatas.

Quæ omnia cum ita se habeant, videant obsecro patres, quibus est animus ad secundas nuptias, post defunctam vitam matrem, tran- sfire, an filiis pro perca Scorpius, pro charissima matre, Nouerca sit dan- da. Hoc enim ne antiquis quidem illis vnquam placuit, vt hac de re non ineleganter Euripides:

Nunquam duplicia connubia laudauero mortalium, nec binas matres habentes liberos. Quid ita? Quoniam vt ille ait:

*Nouerca priuignis semper malum, neq; amantes
Saluant, Phædrum inspicit & Hippolytum.*

Hæc velim intelligi de omnibus in genere Nouercis, vnâ excep- ta, si est aliqua bona. Quapropter ego, cum mihi mors implacabi- lis, mors inexorabilis, mors erga omnes ferreum cor gerens, matrem eripuisset, summis precibus à Patre meo petii, vt faceret, ne per suas nuptias, experiret benevolentiam alterius matris: verebar enim nimis eius naturam, & pessimos mores. Nam si mulierem, quæ suæ mali- tiæ vnicam tantum, quod sit nimirum mulier, habet causam, ferre non possum, quo animo possem Nouercam, quæ duplicem, quod scilicet & mulier sit, & Nouerca? Ex his itaque auguror, omnibus sequē- tibus annis, Nouercas benignas & beneuolas fore suis priuignis, si nullæ erunt. Nam, vt superius dixi, non nisi sublata causa, tollitur effectus. Quippe nolentes volentes priuignos odio habebunt. Quo- niam quod fatale est, necessarium quoque esse putandum est. Ne ergo mihi postea bladiatur Nouerca. Hæc sunt pulchra valde de Nouer- cis scienda, quicunq; legis ea Domine, quibus doctior fias. Quo ergo iustum & verum laborem meum præmio decorabis? Satis mihi erit, si hæc quæ de Nouercis diligenter collegi, atque posteritati scripta re- liqui,

liqui, per te nesciant Nouerca: semper enim verum esse ratus sum illud prouerbum: *Noli irritare crabrones.* Quod si feceris, & ego semper tutus ero ab illarum incantationibus, & tu maiora caque meliora in dies à me expectabis. Ita fac & sapias. Quod verò attinet bonas Nouercas, ne tumultuatim mihi irascantur omnes, non nego posse esse aliquam bonam, dummodò ipsa velit. Sed *Naturam furcâ pellas, tamen vsque recurret.*

De veris Politicis.

Proximis annis instabit genus hominum, qui vocantur Politici. Horum mores, si verè Politici debebunt dici, eiusmodi erunt in templo. Nam aliis in locis iam illi ipsi scient per se, quid facere eos oporteat. Quando non habebit alter illorum quid domi agat, die præsertim festo, conferet se in templum, atque ibi si se signo sanctæ Crucis munierit, satis erit. Orationem verò Dominicam committet Monachis, vetulis, & senibus; aliquando etiam semel tantum eam recitare poterit, si voluerit, & quidem non flexis genibus, vel sanè vnico dûtaxat poplite, idque suppositis chirothecis, ne sibi caligas maculet, aut vestem; non aperto capite, ne hyeme ex frigore lædatur, æstate verò supernè puluere respergatur. Præ omnibus enim amanda est mundities. Vertet autem faciem ad homines, tergum verò ad altare maius: siquidem etiam homines sunt honorandi; præcipuè verò honestæ matronæ, aut elegantes Virgines. Præterea vt Politicus aliàs cautus, ita & hîc videat, ne sibi aliquis inimicus quidpiam insidiarum à tergo struat, sicque incautum opprimat, aut certè ne sibi exitus è templo clausis valuis obstruatur. Sed & toto illo tempore, quo adest Diuino officio, miscebit sermones cum aliquo sibi simili, quem inter tot homines haud difficile erit prudenti Politicò inuenire, etiamsi aliquando ex industria per totum templum quaerendus sit, vel secum propter certitudinem adducendus, causâ deuotionis: est enim pium opus. Et quoniam *Nauita* (vt bene dicit quidam Poeta) *de ventis, de tauris narrat arator,* Cur non etiam Politicus dicet de chartis lusoriis, de hesternis choreis, poculis, mulieribus, adulteriis, & id genus aliis, quæcunque sibi sunt propria, ne videatur esse nimis rudis & barbarus, aut quod peius est, bos mutus, si taciturnitatem seruet. Omnino enim meminisse debet id quod à nostris hominibus sæpissimè vsurpatur, iamque in prouerbij cõsuetudinem venit:

mentire.

Mentiri, adulari, vanaq; fari,

Hæc qui nescit, frustra in aula senescit.

Dum tamen eleuatur diuinissimum Sacramentum Corporis Christi, interrumpent parumper sermones suos, illudque, quasi quid noui agatur, ducto ore, veluti admirabundi, oculis intentis, audacter aspicient. Sin verò idem venerabile Sacramentum præterire Politico contigerit, recta ibit, aperto tantum capite ex more suo, & non flectet genua, sed potius si à latere, vel tergo viderit (quod sibi diligenter obseruandum erit) aliquem suum amicum, socium, vel certè formosam mulierem, maximè vero notam, salutabit honorificè, flexo poplite, ne quid deesse videatur Politici suæ, moribusque honestis. Cum autem fulminauerit aliquis Concionator contra mores tuos Politicos, qualia sunt periuria, comestationes, ebrietates, alex, blasphemix, adulteria, & similia, admurmurabis quoque ei vicissim, dicesq; Sacerdotem nugari, tanquam malè moratum, inhumanum, & cum qui potius rusticis, & idiotis debeat prædicare, quàm Politicis, & prudentibus viris; hoc idem reuersus domum ad mensam in præsentia plurium confirmabis. Imò si fuerit Parochus tuus, etiam obiurgabis, ne posthac audeat tam grauem personam tuam non honorare Nonnunquam è re sua Politici esse censebunt, per totam Missam & concionem in conspectu omnis populi de rebus magnis, Reipub. vtilibus, disserere, vt qui viderint, dicant, eos solos esse adeò sapientes, vt iam non indigeant doctrinà Sacerdotis, vel non esse, vt cætos, ignaros, vtpote qui semper ex tempore possit aliquid nõ vulgare dicere. Aliquando etiam dormire laus est. Erunt enim qui te demonstrabunt digito, & dicent: Hic, si non esset tractatione magnarum rerum Reipub. fatigatus, non dormiret: quamuis fortè repererentur, qui hesternam crapulam te edormire contendent. Sed hi non sunt audiendi Politico, tanquam simplices. Exeundi è templo mos erit: circumspicere diligentissimè quoquoersum, non imaginem crucifixi, aut alicuius Diui, ad cuius imitationem mores, vitamque formet; sed imagines viuas fæminarum, omnium formosarum, ad id iam apprimè serico, & monilibus, facieque exporrectâ, & variis vnguentis illitâ, instructarum, quibus oblectetur, & ad lasciuiam incitetur. Ad pulsum itidem matutinum, meridianum, vespertinum, turpe erit Politico, maximè verò si tunc accumbat mentæ, aliudue quid agat, salutare Sãctissimam Dei genitricem MARIAM, orareque vt per suam intercessionem, & Filii Christi IESV merita, gloriæ atque diuitiarum re-

rum regni cælestis dignus efficiatur, ne, si fortè rideatur ab aulicis, splendori nominis sui aliquid decedere videatur. Melius est enim, (si, veluti debemus, credimus sacris literis) nomen bonum, quàm diuitiæ multæ. Vel certè occupatus tractatione rerum agendarum, colloquiis muliercularum, & id genus aliis, non parui, scilicet, momenti, differre poterit hanc deuotionem, sibi minimè gratam, & vt vaticinor, inimicam futuram, in tempus aliud, quod nunquam in vita habiturus est ille: Multa, & magna incommoda dilatione temporis euitat prudens. Confiteri quoque peccata sua debet Politicus ad minimum semel in anno, non quòd doleat de illis commissis, sed ne omnium pessimus, vel Hæreticus, vel atheos esse reputetur: Qui enim famam suam negligit (inquit Sapiens) homicida est. Quamuis hoc grauius ei videri debet (vt pote minimè assueto) quàm ad malam crucem duci. Si verò non fuerit confessus ad festum Paschæ, vt euadat linguam hominum, debet vouere se locum aliquem sanctum visitaturum, atque Czestochouiam, vel ad Caluariam, vel ad sanctâ, seu malam crucem peregrinaturum, ibique pro omnibus peccatis suis satisfactorum. Cum verò confitetur peccata sua, & à Sacerdote interrogatur, emendatus sis sic vitam suam? Respondebit se emendaturum, non quidem re ipsa, aut opere, sed verbis; at hæc postrema verba caueat ore proferre: hæc enim penitentia sufficit Politico. Proprio verò Sacerdori seu Parocho confiteri peccata, non est Politici, sed alicuius alterius stupidi hominis, propterea, quia maiorem pudorem incuterent, qui est, & fuit semper alienus à Politico, quem pudere, ipse est pudor. Quod si tamen aliquando id in Parochiali Ecclesia face-re visum fuerit, accersetur Cōfessarius Monachus, vel alius advena Sacerdos, vel etiâ in huius defectu, eoquæ maximo, Vicarius, cæcus, surdus, vel minùs doctus, quàm ipse Pastor. Quo etenim exquisitiùs, & perfectiùs examinata & discussa, atque intellecta fuerint peccata, eò quoque grauior penitentia, capitalis hostis Politicæ vitæ, speranda est. Hactenus rudi (vt aiunt) Minerua, tantum deuotionem verorum, & non fictorum Politicorum, & ea quæ in templo ab iis fieri solent, attingere mihi libuit. Reliqua volens ac prudens omitto, quæ libellus iste paruus nullo modo capere possit.

De veris Philosophis.

E

Omae

OMne sæculum vetus, medium, nostrum, vidit Philosophos mi-
nùs rectè philosophatos. Iam annis sequentibus, non astris,
sed scientiâ, & assuetudine fauente, Verum genus Philosopho-
rum prodibit, idque triplex. Primum Diogenem Cynicum, Timo-
nem Mysanthropum referentium. Nam ob suam tetricitatem, at-
que naturam terrenæ complexionis, chartis impalescentes, hominû
confortia fugient; sique in publicum eos contigerit exire, id facient
demisso vultu, corrugatâ facie, capillis intonsis, veste impexâ, calcea-
mentis squallore sordium obsitis, capite nulli aperto: Etenim Phi-
losophia, seu sapientia, cùm sit scientia altissimarum causarum, hæc,
quæ minoris sunt momenti, contemnit, & abiicit. In colloquio erût
muti: quia sapientis est tacere. Nonnulli breues, & simplices, aper-
tiqûe: siquidem sapientia est contemplatio veritatis. In conuiujs
rarissimi, principioque conuiujs temperantes, at postquàm virtus vi-
no incaluit, in verbis rudibus, & haud sanè honestis laxiores: in po-
culis plenè vno spiritu exhauriendis alacriores, & potentes, non item
in retinendis robusti: nam vera Philosophia omne superfluum odit,
ac expellit. Horum officium erit non iuuentutem instruere, & for-
mare ad augendum, aut tuendum bonum publicum: non vitia ex
animis euellere, virtutesque inferere: non pietatis veræ semina iace-
re: verùm de Ponte Aluino, item Entitatibus, Quidditatibus, Ma-
terialitatibus, Formalitatibus disputare. cumque omnia alâ ingenij
sui peruolarint, omnia se fecisse, cùm nihil fecerint, putare, seque su-
pra alios efferre: quoniam sapientia sese effert supra omnia humana.
Secundum genus Philosophorum popularem auram sua mundicie
captantium. Quippe istis nihil erit molestius, quàm vicinam domi
sux exigere horulam, nihil dulcius, quàm in publicum prodire, idque
vultu elato, fronte erectâ, genis vnguento illitis, capillis in nodos con-
tortis, erectisqûe, veste etiâ minutissimo puluere vacuâ, & moscho, seu
alio odorum genere, perfusâ, collari in humeros vsque deposito, seu
exposito, manu læuigatâ, calceamentis recentibus, & stridentibus:
scilicet Philosophia munda, omnia munda exposcit. Eorum erit o-
mnes vrbs plateas vt videantur, lustrare, atque etiâ ædes cauponari-
as; ex istisque frequentes internuncios ad virgines mittere, easdem fre-
quentius in diem (si vel semel aliquam elegantioris formæ viderint)
inuisere, etiam si pleriqûe non libenter ab ipsis videantur. Hinc erit,
vt nulla conuiuia, nullæ cauponæ absque illis sint futuræ. Multi e-
nim non inuitati, vel saltem ab externis ancillis clam rogati, præter
hospitæ

hospitis mentem talibus sese immiscebunt, noctesque in ijs agent in-
somnes. Nonnulli etiam quicquid habuerint in commestrationibus
cum peruerso genere vulgi absumunt. Nec iam in mare pecuniam,
vt Democritus, sed in vinum abijcient. Non amicis, vt Anaxagoras,
sed prostitutis, & luxuriæ tribuent, ita vt omnibus denudentur, &
omnia sua secum, vt Bias Prienæus, circumferant: Quoniam Philo-
sophia naturæ accommodata, paucis, aut seipsa contenta est. Chore-
as continenter agent, compositabunt, ac in poculis Lacydem Cyre-
næum, aut Arcefilaum, ob nimiam potationem mature extinctos,
imitabuntur: nempe Philosophia imitatione Philosophorum niti-
tur. Quod si ipsorum constantiam & fidem probare volueris in amo-
re virginum, chorearumque, & vini, si dixeris, vt vel vnum in talia ex-
ponant nummum, confestim fugient, & si prius biberint bene, cum
non sint soluendo, irascentur, & de obolo, inter se, aut cum ænopo-
la, digladiabuntur. Et verò vt copiose bibant, & alteri conuiuanti
præpediant: nonnunquam sponte, idque extra conueniens tempus,
cum Musicis suis venient, domesticos filere iubebunt, vt omnino quic-
quid alter pecunia sua struxerit, sibi benevolentia id totum vendi-
cent. Plerique cum multarum capiantur forma mulierum, singulas
in singulos dies utroque tempore, vt solent Medici ægrotos, lustra-
bunt; hinc etiam minus gratia ac amoris, imò & fidei apud eas habe-
bunt. Molliter cubabunt, ociabuntur, raroque aut nunquam libros
grauissimorum authorum legent, aut videbunt, optimam tamen suf-
ficientem, atque cultam, & purgatam librorum copiam habebunt.
Quod si contigerit eos aliquando quempiam Authorem legere, semel
id tantum, idque breuissime, facient, nec amplius in eo opellam con-
sumunt, sed alium, proinde vt primum, tractabunt. Iam si disputan-
tes videris, mutos appellabis, qui nuper inter pocula grauissimi ha-
bebantur Oratores, & subtilissimi Philosophi. Ac denique, vt alia
multa taceam, omnibus dormientibus, clamoribus ciuitatem re-
plebunt, grassabuntur, continuas agent in vicis, & plateis excubias:
namque Philosophia, cum sit magnum bonum, & vinculum, atque cu-
stos humanæ societatis, pro omnibus semper inuigilat.

Tertium denique genus Philosophorum erit, Gnathonem illum
Terentianum experientium, & omnia ad se attrahentium: quippe
illud seruabunt:

Negat quis, nego, ait, aio: postremò imperaui egomet mihi.

Omnia assentari.

Atque sic blauditiis

mollites

molliter in aures hominum influent: quia ad alterius non modò sen-
 sum ac voluntatem, sed etiam vultum, atque nutum conuertentur.
 Hinc nulla absque illis erit Regia, nulla Principum aula, nulla domus
 publica ac priuata, nulla comitia, consilia, iudicia, nulla testamenta:
 Etenim Philosophia bonum diuinitus datum in omnia se diffundit,
 omnibus se communicat, omnibus prospicit, accauet. Præterea ip-
 sorum erit cursitare per urbem, suis persuasunculis potissimum mu-
 lierculas mulcere. cum ipsis etiam in templis publicè colloqui, vidu-
 as aut virgines orbas parentibus solari: Omnium vera consolatrix
 est Philosophia. Deinde calum suadere, infernumque dissuadere,
 appositione sibi auri vel argenti, prædiorumque, in spem emendatio-
 nis vitæ: quia Philosophia est expultrix vitiorum, & auctrix virtu-
 tum. Insuper improbis frequenter prodesse, obesse probis. Et sanè
 omnia ferè ab hominibus etiam magnis emungere, licque pecuniam
 corradere, ac opes, & tecta magnifica extruere: Sapientia nimirum
 in altis inhabitat, & infima despicit. Multa & magna à magnis viris
 expetent, & obtinebunt haud difficulter. Quisquis es vita tale ge-
 nus Philosophorum: nam postquam te degluberint, negligent: si qui-
 dem Philosophia est gratia sui ipsius, non propter aliud. Et ob id ip-
 sum etiam iuuentutem instruent, non vt bonum publicum forment,
 sed vt eam olim sibi futuram, vsuique futuram deuinciant. Deniq;
 plura hîc, & grauiora cogor silere: si quisquam honores, & dignitates
 ambiuerit, nequaquam, nisi per eos, poterit assequi: quoniam Philo-
 sophia non sola dûtaxat est digna, verum etiã eos dignos efficit, quos
 complexa est. Numen supremum in omnia potens, istud triplex ge-
 nus Philosophorum dispellat, dissipet, tollat, aut corrigat, candidè
 oramus.

De Pseudopoëtis.

PROdibit quoq; hac tempestate nugacissimum genus hominum
 scribendis verliculis assuetum, ocium & ignauiam, omnium ne-
 quitiarum parentem, amplectens. Ars hæc erit esuriens, sem-
 perque famelica: Siquidem tanquam mures, alienum panem artis
 istius professores comedent, in hoc consenscent, & misera egestate
 prementur. Ficta equidem non possunt esse vera, ergo nec præmio
 villo afficienda: Quocirca passim de illis omnes iactabunt illud vul-
 gaturn diæterium:

Viuent

*Viuunt carmine infani Poëta,
 Si nugæ adimas, fame peribunt,
 His mendatia sunt opes, & aurum,
 Fingunt quæq; volunt, putantq; palmam,
 Mentiri bene, gloriosorem.*

Sed cum inquit D. August. Mentiri etiam pro honore Dei non licere, quid balatrões isti dicent? quo pacto technas suas exculabunt? Itaque quia peccant tam enormiter, perpetua infamia punientur, & nunquam ditescere poterunt, id certius oraculis vatũ habeant. Hinc Iustiniani Imperatoris institutum multi acceptabunt, & nulla prorsus immunitate eos dignabuntur; Probissimi quique cauillatoriam Poësim, tanquam mendaciorum parentem, aspernabuntur, & monstra hæc portentosa, atque Chimærica, cane peius & angue vitabunt. Mali tamen quique, & perditissimis moribus homines, eos in deliciis habebunt, eò quòd adulari, & omnia cum mirifica assentatione dicere eis soleant. Eorum siquidem studium erit, nihil sani dicere, sed nugosis versiculis stultis auribus cantillare, & fabularum inuolucris perstrepere, & fumo exponere, atque aura populari omnia venari: nescio quam, inter ineptias suas, & fabulas, cum Tithonis cicadis, Lyciorum ranis, & Myrmidonum formicis, polliceri audebunt gloriam, & nominis immortalitatem, ac dicere:

*Viuite felices, si quid mea carmina possunt,
 Mortales, nulla mihi semper laude tacendi,
 Nulla dies vnquam memori vos eximet æuo.*

Agè verò, ne fortè quis ambigat omnes Poëtas esse fugiendos, facio distinctionem. Poetæ triplices sunt: Optimi, Medii, & Infimi. Optimi sunt, qui optimè instructi, & ab ipsa natura informati, ad diuina quæque excogitanda, & verbis patefacienda, apti nati sunt: quales erant antiquissimi illi Vates, & verè diuini Poetæ, Prometheus, Linus, Musæus, Orpheus, Hesiodus, Homerus, à quibus tota Philosophia profecta est, Plutarcho teste: qui idè & Theologi dicti fuerunt, quòd de cælo hauisse doctrinam visi fuerint, & inuolucris doctissimis, atque subtilissimis diuina mysteria, multo lepore, & ornatu operata, posteritati reliquissent. Et Aristoteles inquit, omnes Philosophorum sectas à venerando illo sene Homero principium suum sumpsisse. Quid enim ille non habet in suis libris? quem non instruit, quem non informat? Militem, Regem, Ciuem, Oratorem, Iuriconsultum, Iudicem, & omnia genera hominum planè ad vnguem exprimit

mit, & docet. Cuius opera in tanto honore apud Alexandrū Magnū Macedonix Regem fuere, vt dum inter spolia Darij allata illi esset theca geminis distincta, & auro, in eam Homeri Iliada reponere non dubitauerit. Non iniuria igitur post mortem Homeri 7. vrbes certabant, Smyrna, Rhodos, Colophon, Salamin, Chios, Argos, Athenæ: Omnes enim apud se retinere volebant, omnes eius cadauer habere conabantur. De talibus Poëtis nihil ego ad præsens loquor: salua sit eorum fama, salua dignitas, & nominis decus in sempiternū vigeat, crescat, amplificetur.

Medij autem Poëtæ sunt, qui vtcunq̃ à natura propensi sunt ad bonas artes pertractandas, sed non nisi graui labore, & studio ingenti seipos frangentes, ad eudenda carmina accedunt: dies illi noctesque sudare, algere, multa pati debent, antequam aliquid ad communem vsum fructumq̃ conferant. Hinc more vsq̃ fetus suos lambentis, carmina edere dicentur, qui Publio Virgilio Maroni, similes esse voluerint. Tales Poëtæ non tam naturā, quā imitatione & assiduā edocti exercitatione, viuunt in hominum celebritate. Labor enim improbus omnia efficit; Et tempus fert omnia, vt inquit Poeta. Proinde neque de his mihi in præsentī est negotium: Digni enim sunt, quos fama canat, & admiretur. Nam quis nescit olim theatra & amphitheatra, augustissima illa homiū ædificia, non Philosophis, non Iuriconsultis, non Medicis, non Rhetoribus, non Mathematicis, non Theologis, sed ipsis Poëtarum fabulis enarrandis, ingentibus sumptibus extructa fuisse? Hinc & Philosophi illi antiqui Philomyti, id est, fabularum studiosi erant appellati, de quibus Firmianus plura. Nam & honore amplissimo, & diuitijs abundare valent eiusmodi viri: Auctus erat fortunis Virgilius, Horatius, & in hac Academia Georgius Vigilantius Samboritanus, & in Zamosciana Acad: Simon Simonides multas & amplas habet facultates, vt scimus omnes. Cuius carmen amat, quicumq̃ carmine digna gerit.

Infimi Poëtæ sunt, qui nullam artem, nullas naturæ dotes habentes, aliena furantur, & pro suo fætu genuino vsurpant, de his mihi in præsentī negotio sermo est: hos mea spectat oratio. Sequentibus igitur annis monstrōse mentiri, maledicere, antiqua pro nouis vendicare, scommatibus rodere alios, erit eis commune. Tempus omni auro preciosius frustra perdent, nugas tractabunt, & pro doctrinis Reip. conferentibus vsurpabunt, lucris, tanquam vultures vel corui cadaueribus, inhiabunt, dolis malis circumuenient, instar pſitaci vel gracculi

graculi salutabunt obuios, excipientque gratulationibus, aliunde transcriptis, ab exteris nationibus Magnates, & insignes heroes redeuntes: pecuniam inde corradent, & in omnes luxuriæ artes profundent: officium suum omnibus paratum iactabunt, & temere se rebus minimè decentibus sponte obtrudent. In Academiam nunquã discendi, nisi suspiciendi gratia venient: multas ex fenestris & lapideis sententias trasferent, & typis mandabunt: cum scortis inhabitabunt, palliati incedent tanquam Doctores aliqui, vt suam scientiam iactent eò vberius, quidam etiam curtati, quidam obdarti tanquam de ganeorũ nido prodibunt, & spoliare cum non possint aliter, verficulis factis spoliabunt, latronibus, nocturnis grassatoribus, versperilionibus, noctuis, bubonibus, ganeonibus, & nescio cui facti hominum sese immiscebunt, fortè ideò quia excogitare debent modum Poëtæ, quo a Mvris & Charitibus adamentur. Multi non sua carmina dedicabunt multis, verùm tamen non celebrabunt eos, sed deformabunt: Nam ab illaudato viro laudari maius est vituperium Quocirca qui a talibus Pseudopóëtis pœmata iuscipient, erunt causa sui & illorum mali, nam fouendo illorum nequitiam ad turpem eos ignauiam prouocabunt. Si enim paupertate premerentur, nec haberent vnde viuant, vtique de modo vitam instituendo tempestiuè cogitarent, & Cleantem illum imitantes vel in studia honestiora incumberent, vel statum & vitæ conditionem arriperent. Sic autem nec acceptare sacerdotium volēt, nec monasteriũ ingredi, quòd si ingressi fuerint illico effugient, nec gradus aliquos in literatura cõsequentur: vel si fuerint primos assecuti, secundos respuent, quia laborem fugient. Petulci isti hædi & fordidi Epicuri de grege porci, bene poterunt cuticulam curare, alieno labore veluti circumforanei aliqui institores victitantes. Nulla fides pietasque est eiusmodi nebulonibus, quomodo ergo eis aliquid concedendum? quomodo fama, honor, dignitas, eis committenda? cum sint excrementa tertij generis Philosophorum, eundem librum multis tribuentes. O grex nequitie, ô stupiditatis fons, ô apostatarum antesignani, ô desidia & omnis ignauie sentina, ô vorago & lerna malorum omnium, quæ intra sacratissima Academie spatia commorantes docti, & literati viri perferunt, & patiuntur propter vos? Siccine vos insensati canes, nec timor Dei, nec pudor naturæ humanæ conueniens, (sus enim facta pudore suffundi non potest) nec literarum splendor, nec temporis inæstimabilis iactura, ad amantissimos & fragrantissimos Hesperidum.

dum hortos ac floridissimos virtutum agros poterit euocare? Respi-
scite tandem, antequam ultra Garamantas & Indos protrudamini,
moneo, iubeo, cupio.

De Iudicibus & Causidicis.

Miraris cur tot sint Iudices? Quia etiam tot leges, vt illis legen-
dis decem iustæ vitæ vix sufficiant. Hi verò an omnes iustè
iudicent, me tacente, docet exemplum. Prætoris taurus in
Rustici cuiusdam tenuis pascua transiliens, vaccam eius cornibus
occiderat. Qui damnum acceperat, vel in hac re rusticus non sapiens,
prætozem adiit, & impunitate loquendi ex more datâ: Prætor
(inquit) meus taurus tuam vaccam cornibus petijt, atque occidit,
quid iuris? Ille incunctanter: Quid aliud (inquit) nisi vt vaccæ
damnum mihi tauri nomine præstes, aut taurum, si mauis, noxæ
dedas. Imò, inquit rusticus, ignosces imperitiæ meæ, nam lingua
lapsus sum, præposterè causam proposui: quum potius tuus taurus
meam interfecit vaccam. Tum Prætor nimium impudens: Isthæc, in-
quit alia res est. Quod cum ita sit, neq; iustiores esse futuros quosdam
sequentibus annis crediderim, siquidem his succedent nonnulli, qui
vel ira, vel cupiditate, vel metu, vel gratia, vel falsa aliqua exultan-
tione corrupti, primo sese totos, deinde aliorum substantias perdent.
Hoc de malis tantum Iudicibus. Sed tamen adhuc non sumus tuti.
Nam instabunt etiam quidam Causidici, qui ne fame pereant, lites
quærent, semina earum vbique spargent, mouebunt, augebunt de-
torquendis legibus, & controuersias malent constituere, quam tol-
lere: idq; eis eò erit factu promptius, quòd legû obscuritas ansam pra-
nis hominibus præbebit maiore inuestigandi eas quò voluerint, & diffe-
rent lites, in longissimum tempus, vel indiè iudicij, vt vberior eis lu-
crandi spes affulgeat: Ita breui tempore quæ erant facilia & liquida,
inuoluta reddentur omnia, & perplexa. Idcirco quondâ ille Matthias
Rex Pannoniæ, huic malo volens occurrere, Causidicos omnes regni
finibus iussit excedere. Quod ego nostris nunquam euenturum esse
vaticinor, cum eos longè abesse ab illorum veterum peruersis mori-
bus videam.

De Mercatoribus.

Qvandoquidem Mercatores alij Ethnici, alij Christiani: pri-
mò quales Ethnici utq; ad conflagrationem sæculi sint futuri
exponam

exponam: Deinde verò si aliqui Christiani voluerint quoq; mercaturam exercere, quid facere eis conueniat paucis admonebo. Ethnici itaq; non tantopere virtuti, vt pecuniæ studebunt: quilibet enim attentus ad rem, quilibet rerum habendarum cupiditate tenebitur. Cauebunt omnes illud: *In qualite video panno, in talite colloco scanno.* Idcirco paupertatis onus patienter ferre reculabunt, debitum laborem cane peius & angue fugientes. Passim illud, & dicto, & facto comprobabunt, quod Pòeta inquit:

O ciues, ciues, quarenda pecunia primùm,

Virtus post nummos. Idcirco etiam mercatorum genus in bonorum numero, & hominum celebritate reponitur. Cùm tamen Cic; in 3. lib. de Rep. dicat: Antiquitus nihil fuisse mercatoribus abiectius, nihil vilius, nihil sordidius, eò quod turpi lucro supra modum, cum alterius detrimento, omnes passim inhient. Rectè quidã: *Negotiatores, inquit, nihil habent sacrum præter vnum pecunia studium, cui fetotos, ceu Deo, consecrarunt, hoc pietatem, hoc amicitiam, hoc honestum, hoc sanam, hoc diuina partur & humana metuntur, reliqua nugæ.* Quid enim mercatores, non audent tentare? vt dolis ac fallacijs suas crumenas dilatare, & facultates amplificare valeant? Sæpè, imò semper prætoribus sedentes, grauiore labore posthabito, doctè in emendo vendendoq; incredibilibus astutijs hospitem ementiumque thecas exhauriunt, & emungunt. Sollicitis computant articulis, quid utilitatis & quantum illis accrescat nihil laborantibus, sed ocio perpetuo torpescuntibus. Apud Romanos, Lacedæmonios, & Thebanos, contra Mercatores lex fuit lata eiusmodi, vt nemini illorum Reip. muneribus præesse liceret, quòd priuato magis quam publico bono soleant inferuire. Etenim in Mercatura & nundinatione optimè exercitati, omnibus ciuibus Deum sanctosq; obtestando, bona eripere, & in se, veluti aliqua imminentæ voragines, omnia absorbere conarentur. Hic est illorum iustitiæ cultus, hæc pietatis ara. Iam uerò si quispiam eorum ad obtinendum in Rep. Magistratum viam & aditum sibi, per aliquod virtutis, & officij simulachrum, patefacere voluit, ab omni mercatura, & negotiatione per decursum decem annorum, tanquam post occisum Patrem, aut violata Superiorum numina, abstinere debuit: vt hoc pacto, quælibet hisce Deorum religionem, veluti contaminatam, abstinendo expiaret. Hinc Arist; inquit, 7. Polit. *Mercatores non esse dignos, qui in Ciuitum numerum ascribantur.* Quia huiusmodi vita vilis est admodum, & virtuti penitus aduersa. Nam

Erasm.
Roter.

Francis.
Petr. de
Rep. lib.
1. cap. 8.

In Math.
hom. 38.

quod illis magis familiare est, quàm periurium? & omnis vitæ dissolutio? quid habent suis moribus magis contrarium, ac repugnans, quàm temperantiam? Etenim leui opera ingenti conflatâ nummorum copiâ, in omnem se effundunt viuendi turpitudinem, ita vt vino sese ingurgitantes quotidie, conuiuia lautissima comparent, seseq; totos poculis plenis vno spiritu exhauriendis consecrent ac deuouant. Rectè D. Chrystomus: Quemadmodum, inquit, si triticum, aut aliquam frumenti speciem, in cribro dum huc illucq; iactas id, grana omnia paulatim deorsum cadunt, & infine in cribro nihil remanet, nisi steruus tolum: sic & substantia negociatorum, dum vendunt, & veniunt, inter emptionem, & venditionem, minuitur, & in nouissimo nihil illis remanet, nisi peccatum. Quocirca rectè D. August. super Plalm. *Desiderio tuo locum facias diabolo: Ecce enim diabolus proposuit lucrum, & mutuauit ad fraudem, lucrum habere non poteris, nisi fraudem feceris: sed lucrum esca est, fraus laqueus: sic attende escam, vt videas & laqueum, quia lucrum habere non poteris, nisi fraudem feceris: fraudem autem si feceris, capieris.* Audiui nonnullos fuisse, qui criminabantur me hæc de mercatoribus Christianis scripsisse, sed isti omnes procul à vero aberrant. Abiit me ita intelgere, namq; de nullo bono viro malè sentie didici: non enim sum ignarus Christianos hæc, de quibus scripsi, vitia Echnico non decere, proinde & nunc excipio illos, & dico, liberos per Dei gratiam sequentibus annis futuros ab his vitijs, dummodò ipsi velint, obnoxios verò fore huic malo omnes quidem gentiles, sed præcipue eos qui hodie habitant in Phœnicia, Ægypto, Babylonia, Cayro, Quinzay. Quod si tamen Christianorum aliqui reperti fuerint eis similes, non modò hinc excipiendi non sunt, verum etiam deteriores illis habendi. Nunc iam secundo loco, quomodò sit bene, & sine offensione Dei, & proximi, nundinandum, Nemo igitur fortassis etiam Christianorum arceatur à mercatura, modò duas velit obseruare condiciones. Quarum prima, ne plus vel exigat ab eo, qui in contractibus est parùm versatus, vel, si errore aliquo, aut ignorantia exposuerit, accipiat, quàm res valet. Secunda, vt videat, ne contra aliquam circumstantiarum peccetur, quæ hoc versiculo comprehenduntur:

Quis, Quid, Vbi, Quibus auxilijs, Cur, Quomodo, Quando?

Prima est persona. V. G. Si fuerit Sacerdos, mercaturam exercere non potest: Imo nullus Christianorum, quamuis sit laicus. Memini enim me aliquando legisse illud terribile, ac pertimescendum omnibus:

omnibus Christianis Mercatoribus, referente D. Chrif. super Matth. in hæc verba: *Eiciens Iesus vendentes, & ementes de templo, significauit, quod Mercator (impius, simoniacus, mercenarius, & caupo circa res ad Ecclesiæ ædificationem, & salutem pertinentes) nunquam potest Deo placere: & idèd nullus Christianus debet esse Mercator, aut si voluerit esse, pronociatur de Ecclesia.* Cæterum ego mercatori non iniicio scrupulum, & dubitationem. Legat de contractibus doctissimum libellum R. Patris Iacobi Smiglecki, Doctoris Theologi, è Societate Iesu, Polonico idiomate concriptum: est optimus. Interim reliqua propositi mei persequor. Secunda, Res: quia sacra, & aliena non est fas vendere: qualia sunt, furto ablata, retenta, inuenta, vel quoquo modo alio iniuste acquisita.

Tertia, Locus: cum prohibitum sit in templo, & cæmiterio nundinari.

Quarta, instrumenta. Reperiuntur siquidem nonnulli, qui vi & armis compellunt aliquos emere ea, quæ nec velint, nec sibi vsui esse futura sciunt. Equorum numero ille fuit, qui baculum latro in sylua Parocho Ecclesiæ villæ, dictæ (ni fallor) Boroua, in terra Sandomiriensi, non procul ab oppido Osiek, coacto triginta marcis, Polonialis monetæ, vendidit: qui baculus in hodiernum vsq; diem ibidem in perpetuam eius rei memoriam, cæterisq; loci illius Pastoribus cautionem, diligentissimè, & religiosissimè in sacrario asseruatur; quem & ego ipse oculis meis, cum ibi essem, vidi. Non ab simile proximè præterito anno ante lapideam, dictam Podbárány, Iudæo contigisse animaduerti. Nam quidam grassator Cracouiensis eò iam minis ac verberibus eundem adduxerat, vt libellum quandam vilem, sibiq; minimè necessarium, caro pretio soluisset, nisi à me depulsus fuisset.

Quinta, Causa: qui etenim non causa victus honesti acquirendi, sed ambitionis, fastus, avaritiæ, luxuriæ, mercatur, impiissimus est.

Sexta, modus. Hic mercatores nullis vnquam verbis enarrandos, & explicandos modos habere solent, quibus astutè vel verbosos quosq; Sophistas, imò, & maximè omnium, ex primo genere Philosophos, haud difficile irretire queant. Nunc, si pannum tibi exhiberi poposceris, primò optimum exponunt, deinde, vbi meliorem rogaueris, si fortè ignores, vel præstantiorem habere credas, pessimum. Nunc si penes te, vtpote hospitem, Prælatum, Canonicum, Præpositum, Parochum, diuitem, nobilem non pauperem, pecu-

nix abundantiam esse subolfecerint, statim carius instituunt vendere, quam alijs. Et quod omnium est insidiosissimum, iam mos admodum peruersus inoleuit, vt quædam linteamina, quali vela, in suis testudinibus expandant, quibus lumen penè totum auferant, hominesq; bene videntes, faciant parùm videntes, vel potius cæcos. Talis dicitur fuisse (teste Cic. 3 offi) Ille Gyges Bæli & Terræ filius. *Is enim cùm palam annuli sui ad palmam conuerterat, à nulla videbatur, ipse autem omnia videbat: idem rursus videbatur, cùm in lucem anulum inuernerat.* Non aliter mercatores, ipsi asueti debiliori lumini, vident: at ego admodum ægre non possum non terre, quoties mihi in te nebris læro discendum est bene videre.

Septima, eaq; vltima Circumstantia, Tempus: Siquidem diebus festiuis, & solennibus, non licet merces exponere. Ne te verò iterunum dimittam, audi meam sententiam. Existimo licitam esse mercaturam, *necessarium est enim in omni ciuitate (vt inquit Philo sophus) aliquid vendi, & aliquid emi.* Neq; demum ab Ecclesia Catholica videmus prohibitam esse. Quod autem tantopere à grauissimis Authoribus, & sanctis Patribus in eam inuehatur, est causa difficultatis euitandi peccati in nundinatione: quia (teste Leone Papa) *difficile est, interuentis & vendentis commercium, non interuenire peccatum.* Æquè itaq; hæc de mercatoribus scripta SS. Patrum sunt intelligenda, ac illa de diuitibus: quos sacræ literæ prædicant, *difficilius posse intrare in regnum Dei, quàm camelum per foramen acus transire.* Æquè enim vtrosque difficile est effugere peccatum, difficilius esse bonos. Quomobrem & ego abusu sum inimicus, ipsam autem per se mercaturam laudo. Quinetiam non parùm fateor me debere illis mercatoribus, qui mecum bene in contractibus agunt. Quare est mihi animus insinuare me in gratiam alicuius optimi viri mercatoris. Iam ille ipse quid velim, facile, si non modò, postea, idq; breui, intelliget.

De Crepitu ventris.

Proximo anno, & alijs sequëtibus vsq; ad consummationè sæculi, non erit salubre retinere Mephitim. Idcirco Claudius Imperator, legislator circumspèctus, quum periclitatum quendam præ pudore ex continentia reperisset, edictum (vt est Suetonius auctor) edidit, quo venia daretur crepitu ventris emittenti. Et ab illo tempore dum Italorum quispiam crepitat, reliqui omnes assurgunt ei, capita apè-

pita aperiunt, proficereq; precantur. Neq; tunc minor honor ei exhibetur, quam nobis dum sterontamus exhiberi solet. Et nō sine causa.

Etenim *Quatuor ex vento veniunt in ventre retento:*

Spasmus, hydrops, colica, & vertigo, hoc res probat ipsa.

Hac dere extat lepidissimum Nicearchi ex ποσειδῶν Epigramma, quo pestiferam retenti flatu vim describit:

Interimit crepitus ventris detentus in aluo,

Et seruat blasum dum canit ille melos.

Ergo si perimit crepitus, seruatq; canendo,

Regibus imperium par habet hic crepitus.

Vaticinia duo ex Physiognomia.

Primum: vitæ breuis signa colligunt, raros dentes, prælongos digitos, ac plumbeum colorem corporis. Contra, longæ, incuruos humeros, nares amplas, & tria signis dictis contraria: multos dentes, digitos breues, crassosq;, atque colorem clarum.

Secundum: supercilia concreta, & se contingentia, omnium sunt pessima: notant enim maleficum, plagiarium, & nefarijs artibus deditum. Id quod Ioannes de Indagine frequenter se obseruasse dicit in vetulis sagis, quæ ad incendium ductæ, huiusmodi præferabant supercilia.

Vaticinia desumpta ex Somnijs.

Interpretatio somniorum mirè frugifera est, tum ad cognoscendum seruandumq; corporis habitum, tum ad rerum futurarum metus inanes fugiendos. Sunt autem triplicia. Naturalia, quæ ex corporis habitudine proueniunt, vt quum videre se putant, aut aquas aut arma, aut res horrendas: quæ indicant redundare phlegma, choleram, aut atram bilem. Fatalia, quæ futurum aliquid portendunt: cuiusmodi sunt, quando in somno nuptiæ apparent, quum ex affinitibus quisquam mortuus est. Vana, quæ nihil omnino significant. Taliã dici possunt, quæ inde proueniunt, quòd præcedente die simile quicquam viderint. Quod attinet primum genus, poteris prædicere aliorum somnia, quod mirum videbitur imperitis. Quoniam si videris per totum diem hominem fatigatum esse labore, bibisse vinum, cibum sumpsisse calidum, certum habe, ea nocte per somnum

visum iri illi enses, vulnera, cædes, ac res igneas. Quòd si præter laborem plus quàm satis est sumserit alimenti, apparebunt, præter pugnas, eadem nocte tenebræ, recessus profundi, aut res horrendæ. Porrò si videris quenquam, qui per diem totum ociosus desederit, quique res comederit, ac biberit frigidas, cura, vt is ante somnum multum hauriat aquæ. Sic vaticinari poteris futurum, vt dormiens se putet, vel videre aquas, vel cum ranis ludere, vel natare inter naues.

Ridicula sed iucunda quædam Vaticinia.

- Dominus**
Anni. **P**roximo anno, inter sydera sol princeps erit, inter animalia homo, inter feras Leo, inter metalla aurum, inter cibos caro, inter potus genera vinum, inter spiritus Deus.
- Qualitas**
aëris. Ver erit calidum ac humidum, æstas calida & sicca, Autumnus frigidus & siccus. Hyems frigida, & humida. Æstate erunt quandoque pluuiæ, interdum fulmina, ac tonitrua, aliquando cadent grandines: nives, præcipue hyeme, dominabuntur. Serenitas erit circa orbem solis, frigus vigebit in extremis Zonis, & altis montibus. Calor & siccitas futura est sub Signifero, ingens humoris copia erit circa mare Tyrrenum, ac Ionium, & maximè in Oceano.
- Morbi.** Cæci parum aut nihil videbunt, surdi malè audient, muti non loquentur. Senectus eodem anno erit immedicabilis, propter annos qui præcesserunt. Complures ægrotabunt, pleriq; morientur, & ante senectutem. Sani melius se habebunt, quam ægri.
- Bellum.** Bellum erit inter aucupes & aues, inter piscatores & pisces, inter canes & lepores, inter feles & mures, inter lupos & oues, inter Monachos & oua. Multi interficiunt pisces, boues, oues, porci præsertim in Autumno, capræ, pulli, & capones. Inter simias, canes, & equos, mors non tantopere sæuiet. In aliquibus locis erunt cædes ac homicidia, propter aspectum Martis.
- Metalla,**
Annona. Aurum erit carius argento, plumbum erit mediocris precij. Non pauci inopiâ laborabunt. Reges & principes latis bene se habebunt. Vulgi fortuna, quandoq; bona erit, interdum aduersa, aliquando mediocris. Diuites melius se habebunt, quàm pauperes. Circa Martium oues minoris ementur, quàm boues, aut equi, erit bonum edere capones, pauones, perdices, & bibere optima vina.
- Itinera** Periculosa erit nauigatio in Oceano occiduo, præsertim si oriantur tempestates.

Pleniluni-

Plenilunium erit in Martio, vel Aprili, quando luna soli erit opposita. Plenilunium:
Ecclypsis
lunæ.
Efectus.
Quòd si ipsatum in caput vel caudam Draconis inciderit, occul-
tabitur tantisper, dum rursus ex umbra terræ emergat. Vnde varia
erit in terris rerum mutatio, furta, adulteria, alæ, homicidia, ebric-
tas, blasphemix, hæreses, & id genus alia, quæ Deus auertat. Si non
credis, vide hac de re Arist. lib. 14. Phycorum cap. vltimo paulò
post finem.

De statu vitæ.

Multi multa de eligendo statu vitæ literis mandauerunt: æ-
quoniam licet cuiq; abundare sensu suo, idcirco, saluo alio-
rum iudicio, meam quoq; sententiam hac de re breuiter de-
clarare in animum meum induxi. Primò itaq; omnium pessimus sta-
tus sequentibus annis futurus est Rusticorum villanorum: Siquidem
instabunt quidam Domini, læuiore Buliride illo, qui eos penè gra-
uiores laboribus onerabunt, quàm terre possint. Maximè verò o-
mnium hi grauissimi erunt, qui non Smolenscum oppugnando, sed
in via lapidea, strenuè operam suam militiæ dando, domus quas-
dam, nonnulla quoq; celaria fortiter, prout tales viros decet, expu-
gnando, crumenam suam euacuabunt. Item, qui singulis ferè diebus,
instar quorundam capponum, hospites excipiendo, prodigaliter tra-
ctabunt, pluraq; in eos quotidie infument, quàm eorum res ferat.
Secundo loco artificum manualium conditio erit misera. Nam (vs-
precipuos eorum tantum attingam) Sutores, stratarij, Zonarij, co-
rarij, alutarij, marsupiarij, hominibus, præsertim delicatioribus, for-
debunt. Sartores autem aliena animalcula ad se non propter hanc
causam missa, primò quidem humaniter excipient, sed postmodum
atrociter acibus suis acutis confodient. Pelliones quidam è sedibus
suis antiquis possessores veteres, nimirum, pediculos, mouebunt, &
excutient. Architecti, fabri carpentarij, doliarij, tornarij, textores,
victores, molitores, diurno nocturnoq; strepitu omnia, quasi per-
petua tonitrua, replebunt, dormientes excitabunt, ægrotos ad mor-
tem ducent, studentes impedient, proindeq; omnibus molestia o-
diosi. Chymici, sulphurarij, pistores, cereuisiæ coctores, olearii, non
rarò peste Vulcania cines perterrebrunt. Typographi, fessores, vi-
nitores, olitores, fabri murarij, vespilliones, sculptores, statua-
rij, fulfores ollarij, laterarij, carbonarij, lapidæ, terra extrinsecus
vndiq; obruti, & quasi iam sepulti, inter viuos misera spectra ambu-
labunt.

labunt Carnifices, laniones erunt crudi, odore. Horum posteriorum quidam feria secunda Maioris hebdomadae, pertasi longi ovis, putantes se forte laniatum, quia proximè erit Pascha, carnificium exercent. Quem ad modum iam Myslimicij quidam obuiam sibi mulierem, arbitratus esse vitulam, doctè laniauit. In alia verò civitate, eodem die, non paucos de grege, non quidem bouum, sed rusticorum, qui venditum carnes aduexerant, non iam in laniena, verum in foro, vbi solent carnifices canes, instrumentis suis ad id iam bene instructis, mactauerunt. Ecce tibi: quam digne? *Nam cum nobilitatem suam omnis artifex à matariæ nobilitate sumat, & corpus hominis sit præstantius corpore bouis, cur non potius homines, quam boues mactare debent?* Dicitur puta de lanionibus Iudeis, non Christianis: qui nunquam sunt aut fuerunt sordidi, vel iniusti effusores sanguinis hominum. Hæc in specie de quibusdam artificibus Mechanicis. Nam plurimos consultò prætereo. Nunc aliqua in genere de omnibus prædicere non grauabor. Omnes erunt serui omnium, aditum ad magistratus ciuiles & honores non habebunt. Sordidi erunt, nimis anxij, & cogitabundi. Assidue plus iusto solliciti, quid edant, bibant, induant. Timidi. Ad lucrum audaces, mendaces. Ad extremum, quò huius generis aliqua ars erit iustior, eò etiam minus quæstiuosa. Mimorum conditio non illepidatutura est, etenim hi soli perpetuò, idque verissimè, repræsentabunt statum omnium vitæ præsentis statuum. Seruitus siue fiat ex lege, siue naturâ, omnium rerum sub cælo extremum malum erit. Seruitus aulica, liberè suscepta, præsertim longa, sera præuentia, *Experta crede Roberto.* Seruitus ex gratia, mera adulatio. Magistratum gerentium status erit quoque seruitus: quia non quæ voluerint facient, sed quæ leges & consuetudines eorum. Quinetiam non hanc sententiam quidam pronuntiabunt, quam ratio naturalis dicat, sed quam consuetudo, vt dixi, amor, sanguis, potentia, timor, quæritus, negligentia, tedium, valetudinis propria respectus, ignauia insulurrabit. Et vereor ne proximo anno illud impleatur, quod quondam Apuleius prædixit: *Nunc Iudices sententias suas precio uindictantur.* Video enim hunc succinere propretium: *Auro pulsa fides, auro uenalia iura,*
Aurum lex sequitur, mox sine lege pudor.

Dispensatores omnes omnibus, sed tantum suspiciosi, & animo imbecillibus Dominis, erunt suspecti: contra, fortibus, & fidentibus, fidi, & constantes. Et illorum quoque flammum conditio erit miser.

rima, qui quasi ex professo & debito per sepes, per plateas, per pontes, per mōtes, per lyluas, spinas, vrticas quotidie nō grauabūtur tantum itineris ad diuertoria, & diuerticula conficere, quantum distat a regia à Clepardia, & platea furoria, vel celarium Suinum à Casimiria, Et quantum Ecclesia Clepardiensis ab ædibus D. Marci. Hoc autem plerunque facient, cum vt fortiter cratheras longos statuunt, & vina coronent, atque totos se madido proluant auro, vt hoc pacto post labores respirent: tūm vt more histrionum, Menandrum agentes, saltent, & nugis se oblectent; atq; lusu tellerarum, instar scurrarū, omnis vacui pudoris, diem, genio indulgentes, transigant lætiores: ac tandem, ceu helluones aliqui, vel gurguliones, totā nocte bacchentur. Ad id faciendū consuetudo ipsa eos instigabit, & negocij inopia peruret: Manicæ enim atteruntur à crebra scripture, & librorum lectione. Sapiētis autem iteribus suis providere. Ergo non probro ducent, lucri potiūdi gratia, reiectis Biblijs, & Breviarijs, folia lusoria diurnā, atq; nocturnā manu voluere, & reuoluere, choreas ducere, imagines viuas lustrare, penetrare. Specilla adornare, cum eis clandestina miscere colloquia, ne turpes, & garruli habeantur. Imò non nouum erit eis monentibus amicis obstreperere, pateris insultare, pocula præbibentibus familiaribus exsiccare, consilium de diuinis rebus petentibus respondere: Aliās te videbo, nunc non vacat. passim illud in ore habebunt: *Dum fata sinunt & viridis ætas permittit, viuere lætos decet.* Nec temerè enim dixit Doctor quidam Parisiensis:

Triste cor, ira frequens, mens rarò gaudia præbens:

Hæc tria consumunt corpora sine breui.

Visitabunt igitur tabernas frequenter, vt melancholiam, nimis eos prementem, ex animis suis pellant. Sed fallentur, & multū à vero deniabunt. Maior liquidem eos hinc mania occupabit, ac totos planè in terram prosternet, tum ob exhaustum marsupium: tum ob famam (quā nihil bono viro preciosus esse debet) iacturam; nec enim obturare poterunt linguas plebeculæ non aliena à veritate strepitan-
is: Non fac, non dicent. Etenim vt solem vmbra: sic fædum & malum vitæ vsum comitatur hominum obtrectatio: Tum ob conscientie remorsum: Tum deniq; ob species in tabernis frequentius ante vilas, se præsentare renitentes. Variator itaq; eis minime rem succelluram. Aliqui enim à rusticis, oblitis nuper factæ illis confessionis, interpellabuntur scipionibus dentatis, & pro sibi iniuncta penitentia vicissim par pari referent: aliqui à Dominis hæreditarijs ex Parochijs & benefi-

Beneficijs exturbabuntur, & ultra Silesiam vel Russiam in exilium ab-
legabuntur. Multi à vigilantissimis Præsulibus degradabuntur. Non
pauci seuerè visitabuntur, & regale sacerdotium, tanquam ornamen-
ta quædam, mundo ostendentur, ne autem pereant, tanquam lapides
preciosi ad locum quendam munitum cautè ducentur, & in terris
recondito, seu potius carcere tenebroso, dicto Lipowiec, diligen-
tissimè asseruabuntur, custodiæq; militum, & Haydonum, tradentur,
ne fortè veniant coadiutores, vel coadiutrices eorum, & furentur
eos: quidam nunquã dimittètur: aliqui post mensent vnum plures-
uè erumpent, excedent, euadent: nonnulli post aliquot annos po-
pulo producentur; qui quidem non grauabuntur exire, pudore ta-
men suffusi, monstrabunt se suis. Cum venerit sequens annus, qui-
libet diligenter seipsum intueatur, examinetq; & albo coruora-
rior erit, qui alicui horum, quæ prædixi, aut pluribus, non inuenie-
rit se obnoxium. Hi omnes hucusq; recensiti status vitæ, ob dictas
causas, vehementer displicent. Quare adhuc considera vter sit eorum,
quos subijcio, tandè amplectèdus. Philosophi pleriq; & infallibili-
ter omnes ex primo genere, Sacerdotes, Monachi; maximè verò ij,
quos instituti vitæ suæ prænituerit, manuq; semel admota aratro, retro
spexerint, ingenti cogitationū variarum mole, & assiduâ melancho-
liâ, instar truculenti carnificis, dies noctesq; acerrimè exagitantur,
ac torquebuntur. Vnde quoddam genus hominum negat hodie mor-
tales vexari à malis spiritibus, sed tantùm à melancholia, quod
tamen si verum est, cur multos de medio sui non eijciunt, (non pau-
cos enim etiã inter eos ipsos necesse est esse melâcholicos) cum expel-
lant cæteros, qui vulgò creduntur esse obsessi à Dæmonibus, adiu-
rando eos. Agricola, seu veri ciues, cum habeant sua oblectamenta,
occupationes, rerum omnium copiam, & ab hoc maligno spiritu
(intelligo melancholiam) longè absint, meo iudicio, cæteris omni-
bus quo ad vitam moralem, præferendi. Itaq; (vt tandem aliquid
certi concludam) si vitæ tranquillitati, securitati, sanitati, longæui-
tati prospicere volueris, vxorem bonam ducito, agriculturam exerce-
to. Sin autem anxietatem, tetricitatem, noctes & dies in somnes, ca-
pitis frequentem dolorem, stomachi cruditatem, corporis imbecil-
litatem, caniciem immaturam, vitam seipsâ breuiorem, tranquillam,
venerabilem, similem Angelicæ, cum Deo assiduè colloquentem, ele-
geris. Sacerdos, Philosophus, Monachus esto. Quod verò attinet ma-
iorem certitudinem salutis, hinc vanum est de illa quærere. Quili-
betia

bet in sua vocatione optimus esto. Non enim status vitæ est causa salutis vel condemnationis, sed bona, vel mala cuiusq; opera. Non eorundem inficias conditionem vitæ esse occasionem alterutrius horum.

De Rusticis.

E Quidem conditionem, mores, fortunamque rusticorum, non illepida futura, aduerto: idcirco peculiarem de illis tractationem instituo. Ac vt eò melius res cedat, ab ijs qui eis præerunt, initium sumendum esse duxi. Habebunt itaq; præter proprium Dominum, primò Arendarios, plerosq; nimis duros, qui eos, non tondent, sed glubent. Quâuis iam nostra ætate non paucos eiusmodi, imò duriores, Dominos quoque proprios reperias. Secundò loco reget eos toruus Præses, aliàs Starosta, hunc rustici, eius benignitate abusi, in dies mutari, si fieri possit, cupient, sibiq; alium atq; alium dari exposcent, nec aliquâdo voti sui impotes erunt, namq; nonnulli Dominorū propter imbecillitatē animi sui, nō rarò præfides suos vel fidelissimos, suspectos habebunt. Cū venerit dies Dominicus, vel festus, modò Præfides, modo ipsi Domini proprii, & Arendarij conuocabunt rusticos, qui quidem non libenter omnes conuenient, atque eò tempore ardua negotia, prout illi existimabunt, peragent cum rusticis, detinebuntque eos, donec media Missa, nonnunquam tota absoluitur. Si vero Sacerdos inuitauerit Præfidē vel Dominum in templum, rogaritq; vt rusticos dimittat, & præterea illam sententiam grauissimam Doctoris cuiusdam Ecclesiæ in medium attulerit, nimirum, *Maledictum negotium, propter quod negligitur diuinum officium*, vel tanquam stultus nō intelliget, vel si fortè casu aliquo intellexerit, vt obstinatus, contemnet, semperq; id quod ipse volet, & non quod alijs visum fuerit, efficiet: Quisque enim sibi proximus. Quinetiam in furorem, sine graui causa, aut excelsu rusticorum, impulsus, mittet aliquos in carcerem *Gastor*, vbi teneantur, ne possint venire in templum, adesseque Sacro Missæ officio, & Concioni. Vltimò tandem erit eis Aduocatus, qui causas eorū, non ex sua, sed Domini sententia, iudicabit, imò omnia faciet ad vultum, & nutum Domini: Dominus enim est norma, & regula actionum subditorum suorum. Præses & Villicus sequenti anno vicum incommodum patientur: Domina aliqua, præsertim absente Hero, missa falce in alienam messem, adimet eis ferè omnem potestatem in rusticos, ipsaq; quasi vidua, & carens seruis, reget eos pro sua libidine &

dine, & muliebri peccantia. Nihilominus tamen rusticus in templo
erit stultus, in confessione mutus, in oratione tardiolus, in taberna mi-
les, in foro durus, & astutus, laboris præsentem præside amans, ad discen-
das artes asinus, ad fallendum insignis doctor, ad omnia denique bo-
na rudis, & ignauus. Vxorem ducet, non quæ sibi placuerit, & cui se cõ-
mendabat, sed cum qua Dominus vel Domina matrimonium contra-
here iusserit. Quòd si verò noua nupta in templũ attracta & adducta,
stans ante sacrum altare, noluerit præferre verba, quibus matrimo-
nium contrahitur, Hera mittet ad illam mastigem, aliàs Korbacz, quo
uiso, res succedet: non spernenda enim est vis mastigis, qui & iuncta sol-
uere, & soluta iungere non difficilè queat. Quandoque die sabbati, &
præter communem aliorum consuetudinem, optimo iudicio Domi-
ni, se ã meliori Domina, celebrabuntur nuptiæ miserorum rusticorum.
Omnes enim dies Domini sunt, & homini dati ad vtendum. Post-
quam verò è templo redierint, & aliquandiu ederint, biberint, chore-
as etiã duxerint, iamq; sol occiderit, ocludentur ambo ab extra in ali-
quo, sacris nuptijs indigno, coque angusto, sed & sordido, ergastulo
ad stabulum pecorum: *Virtus etenim sicut sol à sordibus non coinquinatur.*
Neque dimittentur, donec sol lustrauerit terras, vt ne inuitorum
aliquis, noctu per tenebras fugiat: sic charitas & amor coactus crescet
etiam ipsis inuitis. Est namque opus misericordix, disconuenientes
amoris vinculo iungere. Verum postea Rusticus quasi memor debiti
& officij sui, aliquoties singulis diebus suam vxorem, quam illi non ele-
ctio ipsius, & voluntas, sed potentia superioris dederit, tractabit di-
ligenter, & sollemniter, non quidem cibo aut potu, sed pugnis in facie
impressis, donec oculus vterq; bene intumescat, liuoremq; notabilem
contrahat, & duris stipitibus, ac robustis fustibus. Tandem verò exa-
ctis aliquot septimanis fugiet à Domino suo, derelicta sibi vxore semi-
vidua: Quia istud Matrimonium dicet neque propter Deum ince-
pisse, neque propter Deum finitum iri, sed propter metum. Si autem
aliqui sibi cõplacuerint, non collocabuntur eiusmodi in matrimonio,
ne forte amor eorum, vltra modum excrescat: Est modus in rebus. Pre-
terea semper voluntati rusticorum debemus aduerlari: spernenda
enim sententia vulgi. Si quid verò contra eos Sacerdotes dixerint, aut
publicè, aut priuatim, habent Domini, quo se vindicent à verbis Sacri-
ficulorum, si prius legerint, quæ sub finem de veris politiceis scripsi.
Hoc tantum addo, si noluerint Sacerdotes inuitos copulare, vt pote
qui soleant se Canonibus defendere, mittent Domini accersitum vici-

num Sacerdotem, qui fortè non grauabitur venire, si ad minus vel flo-
renum, vel talerum obtulerint, vel potius modium tritici dederint,
vel denique gratiam suam polliciti fuerint.

SECUNDA PARS.

Quod quibusdam secundum proprium vitæ
statum, conditionem, complexionem, ætatem
fit vtile vel inutile factu Vaticinia pro
anno 1613. & alijs sequentibus.

Ut quis nunquam canescat.

SEptem sibi cauenda esse sciat, qui fortè etiam in senectute, nedum
in ætate immatura vult euadere canos capillos. Sunt autem hæc:
Cura, ebrietas, nimius rei veneræ vsus, calida regio, frequens vsus
balnei calidi, exquisita medicamenta, & lotio capitis calidâ aquâ,
& octauum habeat oportet, nimirum, naturam fortem: Imbecilla
enim procliu, ac prona est sponte sua ad immaturam caniciem, quæ
non potest euitari, quia non est posita in nostra potestate, aut volun-
tate, & est probatum, atque expertum. Hic non possum mirari facis
diuinam prouidentiam, quæ etiam si naturæ posuerit terminos suos,
quos nemo præteriret, tamen non paucos continentes nos ipsi o.ulis
nostris vidimus, his ipsis artibus sic naturæ, alioqui falli nesciæ, impe-
tum, si non omnino reprehisse, at certè retardasse.

Volentibus diu & salubriter viuere.

Quid post Deum melius, quàm diu viuere, & prospera valetu-
dine frui? Quando enim videt homo agi de vita sua, quid non
largiatur liberatori suo? An verò sit vllus tam infanus, qui in
vitæ periculo pecuniæ parcat? Cui ergo temporis nummi referuat vs-
um illico periturus? Pelle pro pelle, sicut Iob inquit, & omnia que
possidet homo, dabit pro anima sua. Festiuè Philippus Alexandri

paer, quum à clauicula luxata laboraret, & subinde aliquid pecuniæ
Medicus posceret, accipe iam, inquit, omnia quæ uoles, quando ha-
bes clauem. Verumtamen plerique ita tractant vitam, ac si ea nihil
à se alienum esset magis, diligentius enim asseruant pecuniam, vestes,
& idgenus alia, quàm vitam. Quis enim ex ædibus suis eijceret in vi-
am lapideam argentum, aurum? At multi vitam suam periculo latro-
num exponunt diurnis nocturnisq; grassationibus. Quis vitreo uasi
magnos lapides, quos sustinere nequeat, nisi frangatur, uolenter im-
ponat? At pleriq; ita crapulâ & ebrietate distendunt ventrem suum, ut
quamuis non adeò sensibilibiter, sæpe rumpatur. Et ita uelociter deglu-
tiunt cantharos, ut nullus imber, nulla grando è cælo uelocius cade-
re possit. Alij uerò pecudum ac ueneris indulgentes uoluptatibus, plus
quàm canes, suæ, uulsi, ceteraque bruta, in vitam suam debacchan-
tur. Alij pro scortis pugnantes, animam suam, nullo precio æstimandam,
ponunt. Alij de lana caprina rixantes, ne videantur esse supera-
ti uerbis in taberna armis superantur, & turpiter occubunt. Qui uerò
curis ac sollicitudinibus eam ante tempus consumunt, hi sunt, qui no-
ctes atq; dies nulli rei magis, quàm diuitijs inhiant. Qui hinc in æter-
num se uicturos arbitrantes, sicut apud inferos Cerberus animas, ita
omnium diuitias insatiabiliter concupiscunt, hæc q; inani curâ se mi-
seri totos frustra perdunt. Quid enim stultius esset eo homine, qui
confecturus iter unius diei se oneraret annonâ mille dierum? At qui
diuitijs sunt breuis uitæ longum uaticum. Quidam propter uanam
garrulitatis ostentationem, tanto furore se uiuunt, ita chartis impalle-
scunt, ita libris immoriuntur, ut reuerâ ante tempus a natura præsi-
nitum moriantur. Fuit quidam professor ante octo annos admo-
dum iuuenis, sed eruditus, atq; ob id solum merito ab omnibus cele-
brandus, qui iam iam spiritum exhalans se studiorum labore absum-
ptum è uiuis excedere affirmauit, eamq; diligentiam discipulis nomi-
ne suo testamento reliquit. Quidam uerò contra ita ocio torpescunt,
ac languidi efficiuntur, ut cadauera & non homines te uidere existi-
mus. Isti sunt, qui nihil discere uolunt, qui plus corporis quàm animi
bonis consulunt, qui non perpendunt, quàm speciosa, quàm cele-
stis, quam diuina quædam res sit mens ornata varijs disciplinis. Ego
sane non uideo, quid hæc hominum monstra, qui corpus grande
circumferunt, uel ægrè trahunt potius, a bobus distent, nisi quòd lo-
quantur, non mugiant. Facies stupida, aspectus habes, crassa labra,
semper terram & pabula spectant, uenter ingens, quem quater aut
quinque

Quinquies quotidie implent, isthæc animalia generosos spiritus ad alta natos trahunt ad quietem. Aliqua tamen discenda arbitrantur, quæ more suo apud imperitos inter conuiuandum queant ostentare. O pecudes, ô belluæ, non homines. Maximè autem omnium homines mortè immaturâ tolluntur propter peccata, quæ Deum non timendo, homines non verendo patrant, quod sacræ literæ plurimis in locis docent, & exemplum comprobant. Iuuenis enim quidam imberbis, sed nequam, suspensus, mox apparuit cum nimis prolixa, eaq; canâ, ac venerabili barba, quem attoniti spectantes, responsum acceperunt ex reuelatione Dei: Talem futurû, ad talesq; annos peruenturum, si non peccare consuesset. Quæ omnia ideò faciunt, quia parûm aut nihil credunt nostris vaticinijs, quæ sunt verissima: credent postea, sed serò, cum iam regressus non dabitur vllus. Quòd si quis vult quàm longissimè, & quàm saluberrime producere vitam, nec frustra implorando auxiliû Medicorum, postea eam repetere velle, ea imprimis, quæ dixi paulò superius canicè adferre, quantum fieri poterit, deuitet. Et quoniam experientia, ex quibus & artes ipsæ, vt ait Arist: natæ sunt, vbiq; locum habent, & habere debent, disce diu in bona ac prospera valetudine viuere ab ijs, qui sic vixerunt. Emultis autem vnum tibi imitandum propono. Sed ne dicas vnam hirundinem non facere ver: Nam alios tibi aliunde conquirere poteris. Hic autem est Nicolaus Leonicensis Vicentinus, Medicus peritissimus, qui hoc ferè nostro seculo peruenit ad 90. annû integerrimis (quæ omnia hodie miracula) sensibus, vegetaq; memoria, nec incuruâ quidem ceruice, quum esset staturæ celsioris, & sine scipione venerabilis. Is & vitæ exemplo, & præceptis tibi longam & salubrem vitam persuadet. Vita eius hæc fuit: Ab ineunte ætate nunquam ocio, sed studijs literarum dedicatus fuit. Cibi & vini maximè abstinens, somniq; minimi, præsertim verò venereis continentissimus, vsq; a deò mollioris vitæ voluptates abdicauit, vt pecunias, luxuriæ instrumenta, nec agnita quidem monetæ nota, contemneret. Oblatum, & nulla delectum cura, cibum caperet: nec vnquam de fortuna quereretur, quod vnam vir acutus studiorum laudem respiceret, nec opportuna mediocris vitæ subsidia sibi defutura prospiceret. Præcepta verò vitæ suæ congrua hæc dedit:

Quum enim aliquando Paulus Iouius Episcopus Nouocomensis ab eo comiter peteret, vt ingenuè proferret, quoniam arcano artis vteretur, vt tanto corporis atq; animi vigore vitia senectutis eluderet. **Vuidum, inquit, ingenium, perpetua vitæ innocentia: salubre verò corpus**

corpus hilari frugalitatis præsidio, faciliè tuemur. Dignus certè quem imitemur: Quæcunque enim præcepta de conseruanda valetudine hic dicta sunt, aut vnquam alicubi leguntur, in hoc vnico viro, quasi libro viuo, omnia ferè cernuntur. Itaq; nullam magis compendiosam tibi tuendæ sanitatis viam demonstrare possum. Sic fac & viues.

Conuiuio.

Obseruatio vulgi est, si tredecim in conuiuio sint, vnum ex illis ante annum moriturum. Vidi nonnullos, qui ob id ad conuiuantès duodecim nunquam accedebant, ne numerum dictum complerent.

Cælibibus remedium.

Fvturis annis Eunuchi, & cælibes bene valebunt. Vt tamen morbos euitare valeant, accipiant remedia, Quando aliquis eorum flammis vretur, lauta copiosaq; cibaria demittat, præter necessarium tuendæ sanitatis vsum. Nam:

Venter, pluma, venus, laudem fugienda sequenti.

Similiter calida impense cibaria, & flauosa, vinumq; præsertim potens, ac multum deuitet, venereasq; imaginationes, & similes voluptates fugiat, & non faciliè à Venere tentabitur. Pariter Philosophiæ morali, & sacrarum literarum studijs se dedat, & otia penitus abijciat, pulchrarumq; mulierum, quantum fieri potest, consortia. Plumæ lectus ablegetur. Quidam aquâ gelidâ verenda macerant, præsentaneo remedio. Tu verò efficacius remedium hoc accipe. Hyeme niuis gelu concretæ, ætate vtiçæ maioris, manipulum iustum, aut quantum satis est cape, & da pudendis tuis in circuitum, & liberaberis. Si neq; hoc te iuuat, vltimum, atque omnium præsentissimum est, vt acceptâ face ignitâ, tibi loca illa tamdiu inuras, & cremas, donec tentatio discedat, exemplo Mariæ Coronellæ Hispanicæ Matronæ, quæ marito diutius militiæ commorante, cum acerbissimi ardore inflammaretur, ardenti face pudenda sibi inussit, vt ignis vi flammam ignis extingueret. Qui ne hoc quidem fuerit contentus, iam tantùm vnicum restat auxilium, idq; desperatum, vt sibi membrum, quod se scandalizat, amputet, atq; præcidat. Quemadmodum scio quendam Nobilè tractûs Lublimentis ante septem annos fecisse, hoc quæ modo à se tentationem repulisse: Et is erat studiosus literarum.

Vxorem

Vxorem ducturis.

EThi multi sint, qui media ad finem consequendum, & vitæ actiones ad scopum destinatum, tanquam sagittarius ad metam præfixam, dirigunt, & moderantur: tamen modum non possunt, multa facta indagine, confectari. torquentur ergo, & in varia, atque varia rationis præcipitia feruntur, & exacerbantur miseri vitæ suæ consulere, & res in optimo statu constituere conantes: In bitio enim positi esse videntur. Hinc labor ad aspera, & ardua virtutum munera incitat, illinc sæda voluptas se illecebris conspurcare, & totos delimitere persuadet. Inde fit, vt, quid optimum factu sit non tam facile aduertere quisq; possit. Quid igitur? Prodesse ego non obesse volo omnibus, talis sũ farinae homo. Scito ergo. Vxor omnis eligitur aut formosa, aut diues, aut casta, hæc autem omnia difficile est vnã aliquam habere. Formosam, cùm sit arrogans, quis poterit pati? Inquit enim Menander: *Superba res est mulier formosa.* Cui, si stulticia, quæ est superbix tons, accesserit, etiam est abominabilis, & execrabilis: Siquidem *quod monile aureum est in vicu porci (vt legitur Prouerbum 12.) id est mulier pulchra, & fatua.* Adde, quòd difficillimè custo diri potest, teste D. Hieron: in Epist: *Nihil tutum est, in quo totius populi vota conspirant: Alius forma, alius ingenio, alius facietys, alius liberalitate sollicitat: aliquando expugnatur, quod vndiq; incesitur.* Turpem autem si duxeris, tormentum habebis, & vim patieris: quia *difficile est possidere, quod nemo dignatur habere.* Hanc ob causam aliquando Bias vir sapiens ac nobilis, rogatus à quodã deberet nã vxorem ducere, an vitam viuere calibem? inquit: *Aut pulchram ducas, aut deformem. Si pulchram, habebis communem, si turpem, bebebis pœnam. Neutrum autem bonum, non est igitur ducenda vxor.* In hac tanta difficultate, vt scias quid omnino tibi sit tenendum. Dico esse tertium, inter duo ista. Inter enim pulcherrimam fœminam, & turpissimam, media quædam forma est, quæ à nimix pulchritudinis periculo, & à summo deformitatis odio vacat. Istud ergo tertiu si amplexus fueris, tutior eris.

Diuitem si duxeris, nunquam è ceruice tua excuties iugum eius: non hic te consilium, non prudentia, non ars vlla, aut astutia, non robur deniq; corporis iuuabit. *Audax est & imperiosa diues vxor.* Non temere dictum: *Neg. mulier malum virum metuis, si diues est.* Idcirco Martialis lib. 8. ad Priscæ.

Vxorem quare locupletem ducere nolim

Quaritur? vxori nubere nolo mea.

Quòd verò attinet mores & virtutem vxoris, hæc rursus quoad ista, quadruplex esse potest. Phocylides enim Poëta ex quatuor animalibus natum esse genus mulierum ait: Cane, apiculâ, coruâ sue, & equo-âubato. Ex equo nata agilis est, velox, discurrens, pulebriudine præstans. Ex toruâ autem sua, neq; mala, neq; bona est. Ex Cane verò, molesta & fera est. Ex apicula autem, bene regit rem familiarem, & nouit operari, Cuius amabiles nuptiæ, Chære sodalis, optandæ tibi sunt. Cæterum studiosam & virtute præditam atq; castam eligere vxorem, hic labor hoc opus. Quis enim intelligit bona an mala futura sit: Quoniam nulla est vxoris electio, sed qualiscunq; obuenit: habenda, si iracunda, si fatua, si deformis, si superba, si fastida: quodcunq; vitij est, post nuptias discimus. Equus, asinus, bos, canis, & vilissima mancipia, vestes quoq; & lebetes, sedile ligneum, calix & vrcelus, fictilis, probantur prius, & sic emuntur: Sola vxor non ostenditur, ne ante displiceat, quàm ducatur. Inde est quod hac in re multi alioqui prudentissimi, & magni viri hallucinati sunt. Hinc Phoroneus Legumlator, moriens fratri dixisse fertur: Ad summam felicitatem nihil mihi defuisset, si vxor defuisset. Socrates verò dicere solebat, se mala assecutum: Grammaticam, paupertatem, & perniciosam vxorem: Quorum duo iam effugisset, perniciosam vxorem effugere non potuisse. Norunt experti, & nemo scire potest melius, quid sit vxor, vel mulier, illo, qui passus est. Namq; vt nemo sentit, quâ parte stringat calceus, nisi qui indutus est, ita nemo nouit ingenium mulieris, nisi qui duxit vxorem. Proinde Socrates monet in hæc verba: Quemadmodum pisces qui nondum intra nassas sunt, volunt intrare, qui autem iam intus sunt volunt exire: sic & vos, ne idem vobis accidat videte. Hoc nimis verendo. Thales roganti matri, vt matrimonium iniret, nondum esse tempus dixit. Deinde verò maior natu non amplius esse tempus. Cui Plato succinit: Iuueni vxor nondum ducenda, seni nunquam. Adeò malitiam mulieris antiqui timuere. Veruntamen si certò aliquis scire possit, vxorem optimam futuram, cui ducenda est, sine cunctatione ducere possit. Enim verò (Eccle. 26. Qui possidet mulierem bonam, inebriat possessionem, adiutorium secundum illum est, & columna, vt requies. Et Prouerb. 19. Domus & diuitie dantur à parentibus, à Domino autem vxor prudens & morata. Iam docui quid videre debeant vxorem ducturi: veruntamen an omnibus, æquè ducenda sit vxor, est grauis controuersia. Nam, vt cæteros homines interim omittam, Theophrastus quaerit, an vir Sapiens vxorem ducat? Et cum definiisset si pulchra esset, si bene morata.

morata, si honestis Parentibus: si ipse sanus ac dives: sic Sapiens aliquando inire Matrimonium statim intulit: hæc autem in nuptijs raro vniuersa concordant, non est ergo vxor ducenda Sipienti. Primum enim impediri studia Philosophia, nec posse quenquam liberis & vxori pariter inservire. Multa esse que matronarum vsibus necessaria sunt: preciosa vestes, aurum, gemma, sumptus, ancilla, supellex varia, lectica, & exedra deaurata. Deinde per noctes totas, garrula conuestiones: illa ornatioꝝ procedit in publicum, hæc honoratur ab omnibus, ego in conuentu seminarum misella despicior, cur aspiciebas vicinam? quid cum ancillula loquebaris? De foro veniens, quid attulisti? Non amicum habere possumus, non sodalem: alterius amorem odio sui suscipitur. Si doctissimus, Preceptor, Baccalarius, Magister, in qualibet vrbium fuerit, nec vxorem linquere, nec cum sarcina ire potest: pauperem alere, difficile est, diuitem ferre, tormentum.

Melancholicis.

Dvo sunt remedia, quibus melancholiã ex animo pellas. Alteru, vt bene nutrias, corpus vino impleas, ac alijs modis recrees mentem. Idcirco nonnulli ante concionem integros vini cantharos spiritu vno quondam exhauriebant. Alterum, vt multu dormias: incredibile enim, quantum lucis, quantum alacritatis res ea adfert animo. Sed cauendum est, ne, dum expellitur melancholia, quæ exsiccat ossa, acquiratur illa, quæ vrat postea & animam: ocium enim, sacuritatem, & somnum, consequuntur scelera inaudita. Quapropter Sapiens Romanus non minus eleganter, quam docte monet:

Plurimum vigilare, nec somno deditus esto:

Nam diuturna quies vicijs alimenta ministrat.

Aliud Salubrius.

Quidam scripsit, Melancholiam pelli, si corpus perfricetur vriticis. Experire.

Diabolis.

Lyranus dicere solebat, Diabolum non timere Verbum, sed Aduerbiu: quamuis Verbu præstatioꝝ sit pars Orationis, quam Aduerbiu. Nam orare, eleemosynam dare, psallere, confite-

ri peccata sua, non veretur, sed deuotè orare, rectè dare elemosy-
nam, bene plallere, verè, & non fictè confiteri peccata, id timer.

Piscatoribus qui non habent retia, quales
sunt pauperes Bicy, aliàs Rybaldi, & in vil-
lis Magistri.

Bicus, dictus est à bik Polonico nomine, qui, scilicet, bik, prin-
cipem locum tenet inter globulos, vt pote illis maior, quo pue-
ri in planissimis locis ludentes strenuè propellunt ac trudunt glo-
bulos illos minores. Cur autem sic vocitentur nostri Bicy, causa est:
Quemadmodum etenim bik globulus, cum sit maior, celerrimè om-
nium giratur, ac rotatur, ceterosq; globulos ante se, quocunq; ver-
xerit, propellit atq; protrudit: ita etiam dicti Bicy per totum ferme
orbem terrarum maximè omnium hominum rotantur, & huc illuc
sine certo cõsilio vagantur, nec vno in loco diutius consistere queunt,
secumq; alios minores, Scholares scilicet, breui futuros perfectos
Bicos, instar globulorum, quocunq; ipsi oberrarint, nolentes volentes
trahunt, discurrereq; cõpellunt. Quod verò aliud nomen atinet. Ry-
baldus dictus est à Polonico vocabulo Piscis *Ryba*, seu potius piscatus,
qui est actus piscandi: hoc enim genus hominum, hodie ignauum pe-
cus, & inutile pondus terræ, olim sagax, laboriosum, ac diligens, pi-
scatu visitabat. Nunc verò præ tuo torpore, & incredibili desidia,
intermisit, seseq; totum aucupio, sed mulierum, dicauit. Vt ergo te
miser Rybalde quoquo modo possum, ne ocio pereas, ad laborem
excitem, modum antiquum, ac consuetudinem laudabilem præde-
cessorum tuorum ostendam, quo tibi ipsi, vxori, si (vt credo) adest,
panem quærites, quo denique quod tuis paruis scholaribus, cum
Grammaticam ignores, tradere iam aptis ac idoneis possis, allequa-
ris, mihiq; si tibi fortè successerit, gratias agas, memineris quoque,
vt ere hoc meo consilio, quod è re tua reor futurum. Cape Rybalde
in manus tuas longum, & tènue filum, huic insere lumbricos multos,
vt filum occultetur, id conuolutum, atq; affixum longæ virgæ, esca-
erit ad capiendas anguillas. Nam incurui dentes piscium vermibus
haustis, filo adhærebunt. *Takci, nà ryby Rybalde.*

Horum optimi omnium & utilissimi erunt Ecclesiæ, Magistri ex
villis

villis, verbi gratia D. Magister de Zielonki, D. Magister de Rudawa: de oppidis verò præcipuis, D. Magister de Myslimice, D. Magister de Polaniec, D. Magister de Osiek. & alijs similibus. Quâdo enim celebratur festiuitas dedicationis templi, Græci encænia, nos Kiermâlz vocamus, miseri, sine alterius iuuamine, quod magis nimirum videri debet, Stentoria voce, ad laudem Dei, & S. Patroni loci illius, ita cantant, vt si audieris, potius boare, quàm cantare hominem dixeris. Hoc tamē vnico vicio, sibi iam quasi innato, pleriq; laborabūt, quando conuenient vesperi in tabernam, illam sitim, quam in templo ex importuna vociferatione contrahent, ad ipsos fontes vberrimos celarij leuaturi, ita postmodum exsiccatis omnibus dolijs cereuisæ cū rusticis agent, vt fiat quasi regimen in Osiek.

TERTIA PARS.

Non nullæ Historiæ.

PLacuit mihi aliquot historias selectiores his vaticinijs subiūxisse, vt, si quid simile, vel mirabile, futuris annis acciderit, scias, non primum tibi euenisse: intelligasq; nihil nouum esse sub sole Sed iam ad Historias tempus venire.

1. Faber cum ex altissimo templo decidisset, casusq; suo ipse illusus, occidisset alium: à filio mortui senis in iudicium vocatus est, cui respondebat: Ascende tu in eum locum, è quo cadebam, ego sedebobibi pater erat, & me quoq; ruendo interficias.

2. Si asini cicutam liberius depascantur, somno profundissimo, & torpore inexpugnabili corripuntur, ita vt non tantum stupidi, sed plane mortui videantur. Quod rusticos rei huius ignaros fefellit. Nam dum asinis, quos ob id mortuos credebant, pellem ad usum detraherent, accidit vt in medio ferè operis, asini experrecti sint, magno excorriantium terrore, & ingenti spectantium risu.

3. Rusticus empturus aliquid in domo fabri, visâ ante pedes parte ferri, arreptaq; manum adussit, nihil de igne cogitans. Is commotus, alterum ense petit: Faber accito puero, iubet vt ferrum auferat, hic super hoc prius exspuebat, auditoq; strepitu, dixit esse calidum. Rusticus reuersus domum, in calidissimum cibum ex aquâ, herbis

Et modico pane, paratum sibi ab uxore simili modo exspuebat, nut-
lumq; sentiens strepitum, bonam partem illico hausit.

4. Satyrus cum vehementer algeret, hyberno gelu supra modum
seuiente, ab agricola inductus est in hospitium. Hic videns rusticum
inflantem in manus, rogauit, cur id faceret; ut eas calefaciam, inquit.
Mox apposita mensa, cum idem inflaret in seruidam offam, iterum
rogauit, cur idem faceret: ut eam refrigerem, respondebat. Quid?
ait Satyrus, ex eodem ore calidum & frigidum? quod monstri ge-
nus hoc est? & confestim ex adibus fugit.

X 5. Apud Lyndios in Rhodo insula, Herculis sacra, maledictis &
execrationibus per agebantur, eaq; pro uiolatis habebantur, si quan-
do inter solennes ritus, vel imprudenti, vel nescienti alicui bonum
verbum excidisset.

6. Quidam cum a filio criminibus pertraheretur, ventumq; esset ad
domus limen, desine, inquit fili, nam & ego Patrem huc usq;. Et
accusatus ille, quod Patrem pulsasset, hoc modo defendit causam su-
am: Et ille, inquit, Patrem suum verberauit, & hic (ostenso filio)
me verberabit, postquam adol. uerit.

X 7. Myron nescio quis canus rogauit noctem Laidis, sed re pulsam
passus. Et cum Myron amens animaduertisset, se ob senium a Laide
repudiari, crinem sucavit, iterumq; adijt Laidem, idem quod prius
orans. Illa faciem noscitabunda, sed crine mutato decepta, credidit
hunc, utpote capillo atati iuuenili competente, filium esse illius pri-
stini amatoris, qui noctem poposcit, cum tam n. idem esset, diuerso
tamen crine. Respondit igitur Lais: se Patri suo iam mox negasse.

X 8. Iudeus quidam Praga in Bohemia Anno Christi 1530. qui
cum Christiana rem habuerat, dolio picato per foramen virile puden-
dum indere iussus, serrato, & obtuso cultro iuxta appposito, cum vi
caloris torqueretur, sibiipst partes, per quas peccauerat, amputauit,
cumq; cruentus fugeret, immisus atrocissimis canibus, laceratus est.
Theodorus Zuing.

9. Cambleia Lydorum Regem eò voracitatis progressum, ut no-
cte quadam uxorem quoq; absumpserit: cumq; summo mane illius
manum in ore comperisset, semet iugulasse, Xantus apud Calium
auctor est.

10. Machtildis Comitissa ab Hennenberg filia Florentij quarti Batauni Comitis, soror Gulielmi Regis Roman. Friderico secundo imperante, mille, quingentos, quatuordecim pueros simul genuit: qui in malluuo ab Othone Traiectensi Episcopo auunculo eius sacrâ aquâ lustrati sunt, & post mortui. Auentinus lib. 7. annalium.

11. Mela & Herodotus lib. 4. de Neuris Scythia Europea gente scribunt, statum singulis tempus esse, quo, si velint, in lupos, iterumq; in eos, qui suere, mutantur.

12. Fur quidam à Rege Ægypti Rampfinito, ob astutiam suam: quâ vsus fuerat cum thesauro regio spoliando, tum in eludenda filia Regis, cui fratris abscisam manum pro sua porrexerat, & vitæ impunitate donatus, & Regis insuper filiam uxorem accepit. Herodotus lib. 2.

13. Flavius Vopiscus indicat, Aureliano indelicijis fuisse Phagone[m] quendam, qui vno die ad mensam Imperatoris ederit aprum integrum, centum panes, veruecem, & porcellum: biberit autem in fundibulo ori apposito plus orcâ.

14. Prouida rerum natura mater, verecundia fœminarum mirè consuluit. Nam virorum corpora proiecta in mare, Plinius in Historia rerum tradit, supina ferri, fœminarum prona. Ludouic. Viues de Christiana fœmina lib. 1.

15. Persa à pueris nudos conspici viros, nec fas, nec ius esse dicebant, Itaq; nudum conspicerem hominem, ac si immane scelus admissum foret, capite luebatur. Alex. lib. 2. c. 25.

16. Diogenes adolescentem quendam qui in caupona cum conspiceretur, resugit in interiora cauponæ: Quanto, inquit, fugis interiorius, tantò magis in caupona es. Plutarchus de virtutis profectu.

17. Lutetia Prator duos Studiosos insolenter agentes ceperat, & patibulo affixerat. At Scholares seditione mota, eò rem deduxere, ut illos in ipsa cruce in posticum osculari, & de cruce depositorum suus honorificum deducere cogeretur. Theodor. Zuing.

18. Hei delbergen[s]is Academia ius summum vitæ, naciq; in omnes sibi subiectos habet, quod ne Principis quidem auctoritate infringi valeat. Idem.

19. Leo Bizantius, auditor Platonis, & Sophista nobilis, cum praepinguis

pinguis esset, procedens in concionem, ab omnibus derisus est. Ad quos con-
uersus: Quid ridetis? ait, Athenienses, quod vobis videar pinguis? Scitote mi-
hi uxorem longè pinguis simam esse: talesq; ac tantos, cum simus concordēs, bre-
uis admodum lectulus capit; discordes ne rota quidem domus. Philostratus A-
thenaeus hoc Pythoni Byzantio Oratori tribuit lib. 12. C. 28.

20. Anaxagoras praedixit lapidem è sole casurum. Qui etiam cecidit mul-
tis post obitum eius annis ad Aegos flumen, sub Principe Demylo; asserbat enim
caeli ex lapidibus esse compositum. Laert. lib. 2. Propter hanc causam Germani
dixerunt se timere ruinam caeli, ut est apud Curtium lib. 1.

21. Megasthenes auctor est, mulieres Palae habitantes, sex annos natas, pa-
rere. Phlegon de mirab. & longaevis.

22. Scribit Plinius lib. 7. L. Merellum 10. maximas res optasse: ut pote vo-
luisse. 1. Primarium bellatorem esse. 2. Optimum Oratorem. 3. Fortissimum
Imperatorem. 4. Auspicio suo maximas res geri. 5. Maximo bono e uti. 6.
Summa sapientia esse. 7. Summum Senatorem haberi. 8. Pecuniam magnam
bono modo inuenire. 9. Multos liberos relinquere. 10. Clarissimum in Civi-
tate esse. Quae omnia illi contigerunt.

Apologeticon.

Vir probe legisti vatem, vel Zoile? quis sis
Conijciat subito, perfidus anne probus.
Si probus es, laudas, si Zoilus, & proba carpis,
Rectus recta, malus non nisi probra iacit.
Vexant te, vel non isthaec mantheumata vatis,
Sinon, quid carpis, corrige, si argueris?

GREGORIVS CZARADZKI.

In Thomum.


Zoile si bonus es: ne carpe volumina vatis:
Nam tua praedictet colla tenenda trabe.
Fatidicum rides vatem? ridebit & ille:
Dum te suspensum tortor ad astra trahet.


Idem.

Finitus Vaticiniorum ab Anno Domini 1613. 7. Maii initium sumentium,
& duraturorum vsq; ad consummationem seculi.

BIBLIOTHECA
VNIV. IAGELL,
CRACOVIENSIS.









Biblioteka Jagiellońska

sidr0022129

